



祭
申
斝
外
雀
籛
木
卷
下

蔡中郎外集目

卷一

伯夷叔齊碑

司空房楨碑

荊州刺史庾侯碑

司空袁逢碑

翟先生碑

真定直父碑

桓彬論

蔡中郎外集

九疑山銘

京兆尹樊德雲銘

東巡頌

南巡頌



祖德頌

陳畱太守行小黃縣頌


考城縣頌

卷麟頌

蔡中五靈頌目



海源閣
一六八十六小四



太尉陳公贊 復書

焦君贊 報羊月書

琴贊 議印屠燔書

樽銘 要才專施

卷盤銘

警枕銘

衣箴

廣連珠

祝社文

蔡中郎外集 目

祖餞祝文

禊文

弔屈原文

九惟文

卷二

陳政要七事疏 黃縣頌

曆數議

正交論

銘論 和公贊

徙朔方報楊復書

徙朔方報羊月書

辭郡辟讓申屠蟠書

與袁公書

與人書

與人書

女訓

卷三

漢津賦

蔡中郎外集

協和昏賦

檢逸賦

協初賦

青衣賦

瞽師賦

又

筆賦

琴賦

又

又

彈琴賦

彈碁賦

又

團扇賦

胡栗賦

蟬賦

卷四 答卜元式詩

翠鳥詩

蔡中郎外集

目 答卜元嗣詩

卷四 獨斷

獨斷

附果娘

又

又

戰碁娘

又

又

金刻林士畫

四 海源閣
大世九小四

金陵柏士達刊

蔡中郎外集卷第一

吳百伯夷叔齊碑

他本皆無張本有

珠絲漫樹疎恩不

熹平五年天下大旱禱請名山求獲荅應時處
士平陽蘇騰字玄成夢陟首陽有神馬之使在
道明覺而思之以其夢陟狀上聞天子開三府
請兩使者與郡縣戶曹掾吏登山升祠手書要
曰君況我聖主以洪澤之福天尋興雲即降甘
雨因樹碑為銘曰

惟君之質體清良兮 咎佐殷姬忠孝彰兮 委國

蔡中郎外集

卷一

海源閣
一六〇七十一小十九

捐爵諫國亾兮 譏武伐紂欲喻匡兮 時不可救
曆運蒼兮 追念先侯受命皇兮 憂寢感兮 雖物
不朽名字芳兮

齋雨司空房楨碑

他本皆無張本有

登山代師手書要

公言非法度不出于口行非至公不萌于心治
身則伯夷之潔也儉嗇則季文之約也盡忠則
史魚之直也剛平則山甫之勵也總茲四德式
是百辟夙夜匪懈以事一人枉絲髮樹私恩不
為也討無禮當彊禦弗避也是以功隆名顯在

世孤特不獲愷悌寬厚之譽享年垂老至于積
世門無立車堂無宴客衣不變裁食不兼味雖
易之貞厲詩之羔羊無以加也

明明在公寔惟皇后誕應正德式作漢輔邪慝
是仇直亭是與剛則不吐柔則不茹媚茲天子
以靖土宇

荆州刺史庾侯碑

他本皆無
張本有五

君資天地之正氣含太極之純精明潔鮮于白
珪貞操厲乎寒松視鑒出于自然英風發乎天

蔡中郎外集

卷一

一 海源閣
六二七二六

受事親以孝則行侔于曾閔結交以信則契明
于黃石溫溫然弘裕虛引落落然高風起世信
荆山之良寶靈川之明珠也爰在弱冠英風固
以揚于四海矣拜為荆州刺史仗冲靜以臨民
施仁義以接物恩惠著于萬里誠信暘于殊俗
由是撫亂以治綏擾以靜帝嘉其功錫以車服
方將埽除寇逆清一宇宙廓天步之艱難寔陵
夷之屯否

案以下疑
有關文

司空袁逢碑

他本皆無
張本有

凡所臨君明而先覺

案是句以前疑有闕文

故能教不肅

而化成政不嚴而事治其惠和也晏晏然其博大也洋洋焉信可謂兼三才而該剛柔無射于人斯矣銘曰學夫表左凡百辭翰哀立血入

天鑒有漢賜茲世輔顯允厥德昭焯休序峩峩

雍宮禮樂備舉穆穆天子孝敬允敍降拜屏著

奉饋西序威儀聿脩化溘區宇乃尹京邑總齊

禁旅

翟先生碑

他本皆無張本有

蔡中郎外集

卷一

三

海源閣

世以仁義為質學問為業爰暨先生固天縱德

應運立言繼期五百實行形于州里明哲與聖

合契該通五經兼洞墳籍為萬里之場圃九隩

之林澤挹之若江湖仰之若崧岳玄玄焉測之

則無源汪汪焉酌之則不竭可謂生民之英者

己國失元傳學失表式凡百搢紳哀矣泣血人

百其身匪云來復于是鄉黨乃相與登山伐石

而勒銘曰

邈矣先生厥德孔貞腹心弘道深高入神王錫

三命觀國之賓其視富貴忽若浮雲既不降志

亦不辱身案以下尚疑有闕文

真定直父碑他本皆無張本有案此碑文但舉一端耳疑上下尚多闕

其接友也審辨真偽明于知人度終始而後交

情不疏而貌親

桓彬論他本皆無張本有原注彬麟之子少與蔡邕齊名仕尚書郎厲志操

以忤宦黨免官卒邕等共論序其志乃樹碑而頌焉案文似頌體移列碑類

彬有過人者四夙智早成岐嶷也學優文麗至

蔡中郎外集 卷一

四 海源閣

通也仕不苟祿絕高也辭隆從窳絜操也

九疑山碑十卷本無他本皆有張本作碑喬本及注劉本皆作銘

巖巖九疑峻極于天觸石膚合興播連雲時風

嘉雨浸潤下民芑芑南土實賴厥勛逮于虞舜

聖德光明克諧頑傲以孝烝烝烝各本皆作蒸應從尚書作烝

師錫帝世堯乃授徵受終文祖璇璣是承泰階

以平人以有終遂斁九疑解體而升登此崔嵬

託靈神僊案以下尚

京兆尹樊德雲銘徐本無他本皆有案司馬彪郡國志注蔡邕作

樊陵頌云前漢戶五萬口有十七萬王莽後十不存一永初元年羌戎作虐至光和領戶不盈四千園陵蕃籜柔盛之供百役出焉民用匱乏不堪其事銘當作頌各本作銘姑仍之

於顯哲尹誕德孔彰膺帝休命謂篤不忘爰納忠式規悟聖皇欽崇園邑大孝允光九命車服昭示采章軒輶四牡承祀烝嘗多士時貢徭役永息道路孔夷民清險棘同體諸舊兆岷蒙福惠垂無疆守以因極

東巡頌

有序十卷本無他本皆有張本原注案藝文古文苑俱稱班固作

蔡中郎外集

而舊刻中郎集亦載是篇姑兩存之

五海源閣

竊見巡狩岱宗柴望山川宗祀明堂上稽帝堯中述世宗遵奉光武禮儀備具動自聖心是以神明屢應休徵乃降不勝狂簡之情謹上岱宗頌一篇

曰若稽古在漢迪哲聿修厥德憲章不烈翻六龍較五輅齊百僚陶質素命南重以司曆厥中月之六辰備天官之列衛盛輿服而東巡

南巡頌

他本皆無張本有原注舊集不載此篇而藝文云蔡邕作姑并存之

惟漢再受命系葉十一協景和則天經郊高宗

後半多有闕文

光六幽通神明既禘祖于西都又將祫于南庭是時聖上運天官之法駕建日月之旃旌

祖德頌

有序十卷本無他本皆有

咎文王始受命武王定禍亂至于成王太平乃洽祥瑞畢降夫豈后德熙隆漸浸之所通也是以易嘉積善有餘慶詩稱子孫保之非特王道然也賢人君子修仁履德者亦其有焉咎我烈

蔡中郎外集

卷一

六 海源閣

祖暨于予考世載孝友重以明德率禮莫違是以靈祇降之休瑞免擾馴以昭其仁木連理以

象其義斯乃祖禰之遺靈盛德之所貺也豈我童蒙孤稚所克任哉乃為頌曰

穆穆我祖世篤其仁其德克明惟懿惟醇宣慈惠和無競伊人巖巖我考涖之以莊增崇不顯

克構其堂是用祚之休徵惟光厥徵伊何於昭于今園有甘棠別榦同心墳有擾兔宅我柏林

神不可誣偽不可加析薪之業畏不克荷矧貪

靈貺以爲己華惟予小子豈不是欲干有先功
匪榮伊辱白雲張本有

陳留太守行小黃縣頌他本皆無

大顛爲政建時春陽我君勤止戾茲小黃濟濟
羣吏攝齊升堂乃訓乃厲示之憲方原罪以心
察獄以情欽于刑濫惟務求輕有辜小罪放宥
從生玄化洽矣黔首用寔惟以作頌式昭德聲

不考城縣頌他本皆無

賧賧玄路北至考城勸茲穡民東作是營農桑

蔡中郎外集

卷一

七海源閣

之業爲國之經我君勤心德音邈成率爾苗民
慎不敬聽女執伊筐男執其耕申戒羣僚務在
寬平罪人赦宥囹圄用清

麟頌他本皆無

皇矣大角降生靈獸視明禮脩麒麟來孚春秋

既書爾來告就庶士予鉏獲諸西狩

五靈頌他本皆無

大梁乘精白虎用生思窾信立繞于垣垆

太尉陳公贊他本皆無

公在百里有西產之惠賜命方伯分陝餘慶餘
慶伊何兆民其觀少者是懷老者是安綱紀文
王文王用平東督京輦京輦用清乃登三事三
事攸宜契稷之佐具干堯庭今則由古於穆誕
成

焦君贊

十卷本無
他本皆有

其

倚歟焦君常比玄墨衡門之下栖遲偃息泌之
洋洋樂以忘食鶴鳴九皋音亮帝側迺徵迺用
將受宸職昊天不弔賢人邁慝不遺一老屏此

蔡中郎外集

卷一

八
海源閣
大

四國如何穹蒼不照斯域俗哉朝廷喪茲舊德
悵茲學士將何法則

琴贊

他本皆無
張本有

惟彼雅器載璞靈山體其德真清和自然澡以
春雪澹若洞泉溫乎其仁玉潤外鮮

樽銘

十卷本無
他本皆有

干

酒以成禮弗愆以淫德將無醉過則荒沈盈而
不冲古人所箴尚鑒茲器懋勗厥心

公玉盤銘

他本皆無
張本有

張

華蓋就用以享嘉賓內納其實外若玄真

警枕銘

十卷本無
他本皆有

應龍蟠蟄潛德保靈制器象物示有其形哲人

降鑒居安間傾

衣箴

他本皆無
張本有

今人務在奢嚴志好美飾帛必薄細衣必輕煖

或一朝之晏再三易衣私居移坐不因故服

廣連珠

他本皆無
張本有

臣聞目潤巨鳴近夫小戒也狐鳴犬噪家人小

蔡中郎外集

卷一

九
海源閣
大之卷系九

妖也猶忌慎動作封鎮書符以防其禍是故天

地示異災變橫起則人主恆恐懼而修政

道為知者設馬為御者良賢為聖者用辨為知

者通

祝社文

他本皆無
張本有

元正令午時惟嘉良乾坤交泰太族運陽乃祀

社靈以祈福祥

祖餞祝文

他本皆無
張本有

今歲淑月日吉時良爽應孔加君當遷行神龜

吉兆林氣煌煌著卦利貞天見三光鸞鳴雍雍
四牡彭彭君既升輿道路開張風伯雨師洒道
中央陽遂求福蚩尤辟兵倉龍夾轂白虎扶行
朱雀道引玄武作侶句陳居中厭伏四方往臨
邦國長樂無疆

禊文

他本皆無
張本有

洋洋暮春厥日除已尊卑煙鶯惟女與士自求
百福在洛之浹

弔屈原文

他本皆無
張本有

蔡中郎外集

卷一

十一 海源閣
大英三子六廿六

鷓鴣軒翥鸞鳳挫翮啄碎琬琰寶其瓠瓠皇車
犇而失轄執轡忽而不顧卒壞覆而不振顧哀
石其何補

九惟文

他本皆無
張本有

八惟困乏憂心殷殷天之生我星宿值貧六極
之厄獨遭斯勤居處浮澗無以自存冬日粟粟
上下同雲無衣無褐何以自溫六月徂暑炎赫
來臻無絺無綌何以蔽身無食不飽永離歡欣
蔡中郎外集卷第一終大小三子五字四十七字

蔡中郎外集卷第二

其安陳政要七事疏

十卷本無他本皆有
喬本劉本無疏字

臣伏讀聖旨雖周成遇風訊諸執事宣王遭旱
密勿祇畏無以或加臣聞天降災異緣象而至
辟歷數發辟歷張本
作霹靂貽刑誅繫多之所生也風
者天之號令所以教人也夫昭事上帝則自襄
多福宗廟致敬則鬼神以著國之大事實先祀
典天子聖躬所當恭事臣自在宰府及備朱衣
迎氣五郊而車駕稀出四時致敬屢委有司雖

蔡中郎外集

卷二

海源閣

有解除猶爲疏廢故皇天不悅顯此諸異洪範
傳曰政悖德隱厥風發屋折木坤爲地道易稱
安貞陰氣憤盛則當靜反動法爲下叛夫權不
在上則電傷物政有苛暴則虎狼食人貪利傷
民則蝗蟲損稼去六月二十八日太白與月相
迫兵事惡之鮮卑犯塞所從來遠今之出師未
見其利上違天文下逆人事誠當博覽眾議從
其安者臣不勝憤懣謹條宜所施行七事表左
一事明堂月令天子以四立及季夏之節迎五

帝于郊所以導致神氣祈福豐年清廟祭祀追
往孝敬養老辟靡示人禮化皆帝者之大業祖
宗所祇奉也而有司數以蕃國疏喪宮內產生
及吏卒小汚屢生忌故竊見南郊齋戒未嘗有
廢至于它祀輒興異議豈南郊卑而它祀尊哉
孝元皇帝策書曰禮之至敬莫重于祭所以竭
心親奉以致肅祇者也又元和故事復申先典
前後制書推心懇惻而近者以來夏任太史忘
禮敬之大任禁忌之書拘信小故以虧大典禮

蔡中郎外集

卷二

二
海源閣
大正九年

妻妾產者齋則不入側室之門無廢祭之文也
所謂宮中有卒三月不祭者謂士庶人數堵之
室其處其中旨豈謂皇居之曠臣妾之眾哉自
今齋制宜如故典庶荅風霆災妖之異

二事臣聞國之將興至言數聞內知己政外見
民情是故先帝雖有聖明之資而猶廣求得失
又因災異援引幽隱重賢良方正敦樸有道之
選危言極諫不絕于朝陛下親政以來頻年災
異而未聞特舉博選之旨誠當思省述修舊事

使寡忠之臣展其狂直以解易傳政悖德隱之
言開羣林之門養不德之氣昔來羣報之口冷
三事夫求賢之道未必一塗或以德顯或以言
揚頃者立朝之士曾不以忠信見賞恆被誦訕
之誅遂使羣下結口莫圖正辭郎中張文前獨
盡狂言聖聽納受以責三司臣子曠然眾庶解
悅臣愚以爲宜擢文右職以勸忠謇宣聲海內
博開政路

四事夫司隸校尉諸州刺史所以督察姦枉分

蔡中郎外集

卷二

三

海源閣
三十九九小

別白黑者也伏見幽州刺史楊熹益州刺史龐
芝涼州刺史劉虔各有奉公疾姦之心熹等所
糾其效尤多餘皆枉撓不能稱職或有哀罪襄
瑕與下同疾綱網弛縱莫相舉察公府臺閣亦
復默然五年制書議遣八使又令三公謠言奏
事是時奉公者欣然得志邪枉者憂悸失色未
詳斯議所因寢息咎劉向奏曰夫執狐疑之計
者開羣枉之門養不斷之慮者來讒邪之口今
始聞善政旋復變易足令海內測度朝政宜追

六事墨綬長吏職典理人皆當以惠利爲績日月爲勞褒責之科所宜分明而今在任無復能省及其還者多召拜議郎郎中若器用優美不宐處之穴楸如有釁故自當極其刑誅豈有伏罪懼考反求遷轉夏相倣效臧否無章先帝舊典未嘗有此可皆斷絕以覈眞僞

東漢書

七事伏見前一切以宣陵孝子爲太子舍人臣聞孝文皇帝制喪服三十六日雖繼體之君父子至親公卿列臣受恩之重皆屈情從制不敢

蔡中郎外集

卷二

五
海源閣

踰越今虛僞小人本非骨肉旣無畚私之恩又無祿仕之實惻隱思慕情何緣生而羣聚山陵假名稱孝行不掩心

掩范書作隱

義無所依至有姦

軌之人通容其中桓思皇后祖載之時東郡有盜人妻者亾在孝中本縣追捕乃伏其辜虛僞雜穢難以勝言又前至得拜後輩被遺或經年陵次以暫歸見漏或以人自代亦蒙寵榮爭訟怨悞洵洵道路

洵洵范書作凶凶

太子官屬宜按選令

德豈有但取丘墓凶醜之人其爲不祥莫與大

焉宜遣歸田里以明詐僞

庚申曆數議他本無張本劉本有數劉本

熹平四年五官郎中馮光沛相上計掾陳晃

言曆元不正故妖民叛寇益州盜賊相續為

曆用甲寅為元而用庚申圖緯無以庚為元

者近秦所用代周之元太史治曆郎中郭香

劉固意造妄說乞與本庚申元經緯有明受

虛欺重誅乙卯詔書下三府與儒林明道者

詳議務得道真以羣臣會司徒府議議郎蔡

蔡中郎外集

卷二

六
海源閣

邕議以為

此司馬彪志律曆文張本雙行刻

字而剛

列題左節去議郎蔡邕議以為七

不敬正

鬼薪法詔勿治罪二十字綴于會司

徒府議句

下非是

曆數精微去聖久遠得失更迭術術無常是以

承秦曆用顓頊元用乙卯百有二歲孝武皇帝

始改正朔曆用太初元用丁丑行之百八十九

歲孝章皇帝改從四分元用庚申今光晃各以

庚申為非甲寅為是案曆法黃帝顓頊夏殷周

魯凡六家各自有元光晃所據則殷曆元也他

元雖不明于圖讖各家術皆當有效于其當時
黃帝始用太初丁丑之元有六家紛錯爭訟是
非太史令張壽王挾甲寅元以非漢曆雜候清
臺課在下弟卒以疏闊連見劾奏太初效驗無
所漏失是則雖非圖讖之元而有效于前者也
及用四分以來考之行度密于太初是又新元
效于今者也延光元年中謁者亶誦亦非四分
庚申上言當用命曆序甲寅元公卿百寮參議
正處竟不施行且三光之行遲速進退不必若
一術家以算追而求之取合于當時而已故有
古今之術今之不能上通于古亦猶古術之不
能下通于今也元命苞乾鑿度皆以爲開闢至
獲麟二百七十六萬歲及命曆序積獲麟至漢
起庚子部之二十三歲竟己酉戊子及丁卯部
六十九歲合爲二百七十五歲漢元年歲在乙
未上至獲麟則歲在庚申推此以上上極開闢
則不在庚申讖雖無文其數見存而光晃以爲
開闢至獲麟二百七十五萬九千八百八十六

歲獲麟至漢百六十二歲轉差少一百一十四
歲云當滿足則止違乾鑿度元命苞中使獲麟
不得在哀公十四年下不及命曆序獲麟漢相
去四節年數與奏記譜注不相應當今曆正月
癸亥朔光晃以爲乙丑朔乙丑之與癸亥無題
勒款識可與眾其別者須以弦望晦朔光魄虧
滿可得而見者考其符驗而光晃曆以考靈曜
二十八宿度數及冬至日所在與今史官甘石
舊文錯異不可考校以今渾天圖儀檢天文亦
不合于考靈曜光晃誠能自依其術更造望儀
以追天度遠有驗于圖書近有效于三光可以
易奪甘石窮服諸術者實宜用之難問光晃但
言圖讖所言不服元和二年二月甲寅制書曰
朕聞古先聖王先天而天不違後天而奉天時
史官用太初鄧平術冬至之日日在斗二十三
度而曆以爲牽牛中星先立春一日則四分數
之立春也而以折獄斷大刑于氣已迺用望平
和蓋亦遠矣今改行四分以遵于堯以順孔聖

奉天之文是始用四分曆庚申元之詔也漢引
河洛圖讖以爲符驗非史官私意獨所興搆而
光晁以爲固意造妄說違反經文謬之甚者魯
堯命羲和曆象日月星辰舜叶時月正日湯武
革命治曆明時可謂正矣且猶遇水遭旱戒以
蠻夷猾夏寇賊姦宄而光晁以爲陰陽不和姦
臣盜賊皆元之咎誠非其理元和二年乃用庚
申至今九十二歲而光晁言秦所用代周之元
不知從秦來漢三易元不常庚申光晁區區信
蔡中郎外集

卷二

九 海源閣

用所學亦妄虛無造欺語之愆至于改朔易元
往者壽王之術已課不效亶誦之議不用元和

詔書文備義著非羣臣議者所能變易

志注臣昭曰不

有君子其能國乎觀夫蔡邕之議可以言天機矣賢明在朝弘益遠哉公卿結正足懲淺妄之徒詔書勿治亦

漢盜各之致

命正交論

十卷本無他本皆有案此論體甚近歐輯不載十卷本故鏜勝也

聞之前訓曰君子以朋友講習而正人無有淫
朋是以古之交者其義敦以正其誓信以固逮
夫周德旣衰頌聲旣寢伐木有鳥鳴之刺谷風

有棄子之怨自此以降彌以陵遲

陵各本作凌非是

或

闕其始終或彊其比周是以搢紳患其然而論者諄諄如也疾淺薄而褻攜貳者有之惡朋黨而絕交游者有之其論交也曰富賢則人爭趨之貧賤則人爭去之是以君子慎人所以交己審己所以交人富賢則無曩集之客貧賤則無棄舊之賓矣原其所以來則知其所以去見其所以始則觀其所以終彼貞士者貧賤不待夫富賢富賢不驕乎貧賤故可賢也蓋朋友之道

蔡中郎外集

卷二

十一
海源閣

有義則合無義則離善則久要不忘平生之言惡則忠告善誨之否則止無自辱焉故君子不爲可棄之行不患人之遺己也信有可歸之德不病人之遠己也不畚或然則躬自厚而薄責于人怨其遠矣求諸己而不求諸人咎其稀矣夫遠怨稀咎之機咸在乎躬莫之致也子夏之門人問交于子張而二子各有聞乎夫子然則以交誨也商也寬故告之以拒人師也褊故訓之以容眾各從其行而矯之至于仲尼之正教

則汎愛眾而親仁故非善不喜非仁不親交游以方會友以文可無貶也穀梁赤曰心志既通名譽不聞友之罪也今將患其流而塞其源病其末而刈其本無乃未若擇其正而黜其邪與其彼農皆黍而獨稷焉夫黍亦神農之嘉穀與稷竝為菜盛也使交可廢則黍其愆矣括二論而言之則刺薄者博而洽斷交者貞而孤孤有羔羊之節與其不獲已而矯時也走將從夫

孤焉

蔡中郎外集

卷二

十一 海源閣

銘論

他本皆無張本有

春秋之論銘也曰天子令德諸侯言時計功大夫稱伐咎肅慎納貢銘之楛矢所謂天子令德者也若黃帝有中几之法孔甲有盤盂之誡殷湯有甘誓之勒案夏書書序云甘誓啟作墨子明鬼篇作禹誓冕鼎有不顯之銘武王踐阼咨于太師作席几楹杖之銘十有八章周廟金人緘口以慎緘張本作緘非是亦所以勸導人主勛于令德者也呂尚作周太師封于齊其功銘于昆吾之冶獲寶鼎于美陽仲

山甫有補袞闕誠百辟之功周禮司勳凡有大
功者銘之太常所謂諸侯言時計功者也有宋
大夫正考父三命滋益恭而莫侮衛孔悝之祖
莊叔隨難漢陽左右獻公衛國賴之皆銘乎鼎
晉魏顥獲杜回于輔氏銘功于景鐘所謂大夫
稱伐者也鐘鼎禮樂之器昭德紀功以示子孫
物不朽者莫不朽于金石故也近世以來咸銘
之于碑

蔡中郎外集

卷二

徙朔方報楊復書

他本皆無
張本有

咎此徙者故城門校尉梁伯喜南郡太守馬季
長或至三歲近者歲餘多得旋返自甘罪戾不
敢慕此

徙朔方報羊月書

他本皆無
張本有

奮得無恙遂至徙所自城以西惟青紫鹽也

辭郡辟讓申屠蟠書

他本無張本有劉本
列補遺題作讓辟申

屠蟠張本注蟠家貧傭為漆工
豈淡重蟠及被州辟乃辭讓之

申屠蟠稟氣玄妙

劉本無氣
字非是

性敏心通喪親盡

禮幾于毀滅至行美誼人所鮮能安貧樂潛味

道守真不為燥溼輕重不為窮達易節

張本無不為窮

達易節句

從劉本增方之于邕以齒則長以德則賢

之不與袁公書

他本皆無張本有

朝夕游談從學宴飲酌麥醴燔乾魚欣欣焉樂

在其中矣

一陳不思善傾恨惡人之歎

心辭與人書

他本皆無張本有

家祖居常言客有三當夙夜半蠶時至人室家

也今者一行而犯其兩

豈敢與人書

他本皆無張本有

蔡中郎外集

卷二

十三

海源閣

邕薄祜早喪二親年踰三十鬢髮二色叔父親

之猶若幼童陸則對坐食則比豆

女訓

他本皆無劉本補遺

心猶首面也是以甚致飾焉面一日不修則塵

垢穢之心一朝不思善則邪惡入之咸知飾其

面不修其心惑矣夫面之不飾愚者謂之醜心

之不修賢者謂之惡愚者謂之醜猶可賢者謂

之惡將何容焉故覽照拭面則思其心之潔也

傅脂則思其心之和也加粉則思其心之鮮也

澤髮則思其心之潤也。用櫛則思其心之理也。立髻則思其心之正也。攝鬢則思其心之整也。

蔡中郎外集

卷二

十四
海源閣

蔡中郎外集卷第二終
大小四子三百九十七字

蔡中郎外集卷第三

漢津賦

十卷本無他本皆有

夫歎受辭靈之靈升

夫何大川之浩浩兮洪流淼以玄清配名位乎
天漢披厚土而載形登源自乎嶓冢引漾澧而
東征納陽谷之所吐兮兼漢沔之殊名總畎澮
之羣液兮演西土之陰精遇萬山以左迴兮旋
襄陽而南縈切大別之東山兮與江湘乎通靈
嘉清源之體勢兮澹澶澶以安流鱗甲育其萬
類兮蛟龍集以嬉遊明珠胎于靈蚌兮夜光潛

蔡中郎外集

卷三

一

海源閣

乎玄洲雜神寶其充盈兮豈魚龜之足收于是
遊目騁觀南援三州北集京都上控隴坻下接
江湖導財運貨懋遷有無既乃風飈蕭瑟勃焉
竝興陽侯沛以奔驚洪濤涌而沸騰願乘流以
上下竄滄浪乎三溘覩朝宗之形兆瞰洞庭之
交會

夫何

協和婚賦

十卷本無他本皆有

森以玄辭

惟情性之至好歡莫偉乎夫婦受精靈之造化
固神明之所使事淡微以玄妙實人倫之肇始

考邃初之原本覽陰陽之綱紀乾坤和其剛柔
目兌感其晦腓葛覃恐其失時標梅求其庶士
唯休和之盛代男女得乎年齒婚媾協而莫違
播欣欣之繁祉良辰既至婚禮已舉二族崇飾
威儀有序嘉賓僚黨祁祁雲聚車服照路驂駢
如舉既臻門屏結軌下車阿傅御堅雁行蹀躞
麗女盛飾曄如春華

檢逸賦

他本皆無
張本有

夫何姝妖之媛女顏煒燁而含榮普天壤其無

蔡中郎外集

卷三

二
海源閣
大正九年四月

儷曠千載而特生余心悅于淑麗愛獨結而未
并情因寫而無主意徒倚而左傾晝騁情以舒
愛夜託夢以交靈

協初賦

他本皆無張本
有疑有闕文

其在近也若神龍采鱗翼將舉其既遠也若披
雲緣漢見織女立若碧山亭亭豎動若翡翠奮
其羽眾色燎照眎之無主面若明月輝似朝日
色若蓮葩肌如凝蜜

青衣賦

他本皆無
張本有

金生砂礫珠出蚌泥歎茲窈窕產于卑微盼倩

淑麗皓齒蛾眉

皓本作皓皓字書所無當是皓字

玄髮光潤頰

如螭蟻縱橫接髮葉如低葵脩長冉冉頤人其
頤綺袖丹裳躡躡絲扉盤跚蹀躞坐起低昂和
暘善笑動揚朱脣都冶斌嬌卓躒多姿精慧小
心趨事如飛中饋裁割莫能雙追關雎之潔不
蹈躬非察其所履世之鮮希宜作夫人爲眾女
師伊何爾命在此賤微代無樊姬楚莊晉妃感
咎鄭季平陽是私故因錫國歷爾邦畿雖得嫵

蔡中郎外集

卷三

三 海源閣
大二百九十一號

婉舒寫情褻寒雪繽紛充庭盈階兼裳累鎮展
轉倒頽暇昕將曙雞鳴相催飭駕趣嚴將舍爾
乖矇冒矇冒思不可排停停溝側噉噉青衣我
思遠逝爾思來追明月昭昭當我戶扉條風狎
躡吹予牀帷河上消搖徙倚庭階南瞻井桺仰
察斗機非彼牛女隔于河維思爾念爾怒焉且

饑

瞽師賦

他本皆無張本有疑有闕文

夫何矇昧之瞽兮心竊忽以鬱伊目冥冥而無

睹兮嗟來煩以愁悲撫長笛以攄憤兮氣轟隍而橫飛

又他本皆無張本有疑與前合爲一首且有闕文

何此聲之悲痛愴然淚以隱惻類離鷗之孤鳴起嫠婦之哀泣詠新詩之悲歌舒滯積而宣鬱

幽冥筆賦

十卷本無他本皆有

惟其翰之所生于季冬之狡兔性精亟以慄悍體邁迅以騁步削文竹以爲管加漆絲之纏束形調博以直端染玄墨以定色畫乾坤之陰陽

蔡中郎外集

卷三

四 海源閣

讚虞皇之洪勳敍五帝之休德揚蕩蕩之明文紀三王之功伐兮表八百之肆覲博六經而綴百氏兮建皇極而序彝倫綜人事于晝昧兮贊幽冥于明神象類多喻靡施不協上剛下柔乾坤位也新故代謝四時次也圓和正直規矩極也玄首黃管天地色也

案藝文類聚此篇傳毅作

琴賦

十卷本及張本無喬本注本有

歷松岑而將降睹鴻梧于幽阻高百仞而不枉對修條而特處蹈通崖而往遊圖茲梧之所宜

信雅琴之麗樸乃弁伐其孫枝命離婁使布繩

施公輸之剗剗遂雕琢而成器揆神農之初制

盡馨變之奧妙抒心志之鬱滯案藝文類聚此篇傳毅作

又他本皆無張本有

閒關九絃出入律呂屈伸低昂十指如雨

又他本皆無張本有

于是歌人恍惚以失曲舞者亂節而忘形哀人

寒目以惆悵轅馬蹀足以哀鳴

蔡中郎外集 卷三 五 海源閣

彈琴賦十卷本無喬本原注一本作頌注本劉本同張本無彈字賦文多前

爾乃言求茂木周流四垂觀彼椅桐層山之陂

丹華焯焯綠葉參差甘露潤其末涼風扇其枝

鸞鳳翔其顛玄鶴巢其岐考之詩人琴瑟是立

爰制雅器協之鍾律通理治性恬淡清溫以上從張

本他本 爾乃清聲發兮五音舉韻宮商兮動徵

羽曲引興兮繁絲撫然後哀聲既發祕弄乃開

左手抑揚右手徘徊抵掌反覆抑按藏摧于是

皆無

繁絃既抑雅韻乃揚仲尼思歸鹿鳴三章梁甫
悲吟周公越裳青雀西飛別鶴東翔飲馬長城
楚曲明光走獸率舞飛鳥下翔感激絃歌一低
一昂

彈碁賦

十卷本無
他本皆有

榮華灼爍萼不韡韡于是列象雕華逞麗豐腹
斂邊中隱四企輕利調博易使馳騁然後我製
兵綦夸驚或風飄波動若飛若浮不遲不疾如
行如雷放一敝六功無與儔

蔡中郎外集

卷三

六

海源閣

又

他本皆無張本有案文意似與前首合
爲一而尚有闕文無本可據姑從張本

分

夫張局陳碁取法武備因嬉戲以肄業託歡娛
以講事設茲矢石其夷如破采若錦績平若停
水肌理光澤滑不可屢乘色行巧據險用智

團扇賦

他本皆無
張本有

裁帛制扇陳象應矩輕徹妙好其轄如羽動角
揚徵清風逐暑春夏用事秋冬潛處

胡栗賦

十卷本無他本皆有張本另行敘
人有折蔡氏祠前栗者故作斯賦

樹遐方之嘉木兮于靈宇之前庭通二門以征
行兮夾階除而列生彌霜雪而不彫兮當春夏
而滋榮因本心以誕節兮凝育槩之綠英彤猗
猗以豔茂兮似翠玉之清明何相莖之豐美兮
將蕃熾以悠長適禍賊之災人兮嗟天折以摧
傷

蟬賦

他本皆無
張本有

白露淒其夜降秋風肅以晨興聲嘶噓以沮敗
體枯燥以冰凝雖期運之固然獨潛類乎大陰

蔡中郎外集

卷三

七
海源閣
大三四の四廿ハ

要明年之中夏復長鳴而揚音

白雲

荅元式詩

十卷本無他本皆有張
本荅字下有對字非是

伊余有行爰戾茲邦先進博學同類率從濟濟
羣彥如雲如龍君子博文貽我德音辭之輯矣

穆如清風

翠鳥詩

十卷本無
他本皆有

庭陬有若樞綠葉含丹榮翠鳥時來集振翼修
形容迴顧生碧色動搖揚縹青奔脫虞人機得
親君子庭馴心托君素雌雄保百齡

蔡中郎外集

元嗣詩 他本皆無
張本有

斌斌碩人貽我以文辱此休辭非余所希敢不

酬荅賦誦以歸

其言曰制詔史官記事曰上車馬衣服器

物曰乘輿所在曰行在所所居曰禁中後曰

省中印曰璽所至曰舍所進曰御其命令一曰

東書二曰制書三曰詔書四曰戒書

聖帝皇... 天子庖犧氏神農

王泰承周木為漢

蔡中郎外集

卷三

八 上海源閣
大平の小子

伊余有... 博學同類率從濟水

羣彥如雲如前君子博文貽我德音辭之輯矣

移如清風

墨鳥詩... 時來集振翼修

淵蒼颯瀟... 翰葉含丹榮翠鳥

嶽嶽鮪人韻... 林籟非余敢餘效不

蔡中郎外集卷第三終 大小二子二百廿七字

蔡中郎外集卷第四

獨斷

漢天子正號曰皇帝自稱曰朕臣民稱之曰陛下其言曰制詔史官記事曰上車馬衣服器械百物曰乘輿所在曰行在所所居曰禁中後曰省中印曰璽所至曰轡所進曰御其命令一曰策書二曰制書三曰詔書四曰戒書

皇帝皇王后帝皆君也上古天子庖犧氏神農氏稱皇堯舜稱帝夏殷周稱王秦承周末為漢驅除自以德兼三皇功包五帝故并以為號漢高祖受命功德宜之因而不改也

蔡中郎外集

卷四

一 海源閣

書四曰策書

或難及輒費

王者至尊四號之別名

王畿內之所稱王有天下故稱王其命令一曰

天王諸夏之所稱天下之所歸往故稱天王

天子夷狄之所稱父天母地故稱天子

天子百官小吏之所稱天子無外以天下為家故稱天家

天子正號之別名

四



皇帝至尊之稱皇者煌也盛德煌煌無所不照
帝者諦也能行天道事天審諦故稱皇帝
朕我也古者尊卑共之賤賤不嫌則可同號之
義也堯曰朕在位七十載皋陶與帝舜言曰朕
言惠可底行屈原曰朕皇考此其義也至秦天
子獨以爲稱漢因而不改也

陛下者陛階也所由升堂也天子必有近臣執
兵陳于陛側以戒不虞謂之陛下者羣臣與天

子言不敢指斥天子故呼在陛下者而告之因

蔡中郎外集

卷四

二 海源閣
大三石小石

卑達尊之意也上書亦如之及羣臣士庶相與
言曰殿下閣下執事之屬皆此類也

上者尊位所在也太史令司馬遷記事當言帝
則依違但言上不敢溲瀆言尊號尊王之義也
乘輿出于律律曰敢盜乘輿服御物謂天子所
服食者也天子至尊不敢溲瀆言之故託之于
乘輿乘猶載也輿猶車也天子以天下爲家不
以京師宮室爲常處則當乘車輿以行天下故
羣臣託乘輿以言之或謂之車駕

天子自謂曰行在所猶言今雖在京師行所至耳巡狩天下所奏事處皆爲宮在京師曰奏長安宮在泰山則曰奏奉高宮唯當時所在或曰朝廷亦依違尊者所都連舉朝廷以言之也親近侍從官稱曰大家百官小吏稱曰天家禁中者門戶有禁非侍御者不得入故曰禁中孝元皇后父大司馬陽平侯名禁當時避之故曰省中今宜改後遂無言之者

璽者印也印者信也天子璽以玉螭虎紐古者

蔡中郎外集

卷四

三

海源閣

尊卑共之月令曰固封璽春秋左氏傳曰魯襄公在楚季武子使公冶問璽書追而與之此諸侯大夫印稱璽者也衛宏曰秦以前民皆以金玉爲印龍虎紐唯其所好然則秦以來天子獨以印稱璽又獨以玉羣臣莫敢用也

轡者宜轡也世俗謂轡爲僥倖車駕所至臣民被其德澤以僥倖故曰轡也先帝故事所至見長吏三老官屬親臨軒作樂賜會卓帛越巾刀珮帶民爵有級數或賜田租之半是故謂之轡

皆非其所當得而得之王仲任曰君子無奔而有不奔小人有奔而無不奔春秋傳曰民之多奔國之不奔也言民之得所不當得故謂之奔然則人主必慎所奔也御者進也凡衣服加于身飲食入于口妃妾接于寢皆曰御親愛者皆曰奔

策書策者簡也禮曰不滿百丈不書于策其制長二尺短者半之其次一長一短兩編下拊篆書起年月日稱皇帝曰以命諸侯王三公其諸侯王三公之箴于位者亦以策書誅謚其行而賜之如諸侯之策三公以罪免亦賜策文體如上策而隸書以尺一木兩行唯此爲異者也制書帝者制度之命也其文曰制詔三公赦令贖令之屬是也刺史太守相劾奏申下上遷書文亦如之其徵爲九卿若遷京師近臣則言官具言姓名其免若得罪無姓凡制書有印使符下遠近皆璽封尚書令印重封唯赦令贖令召三公詣朝堂受制書司徒印封露布下州郡

詔書者詔誥也有三品其文曰告某官官如故事是爲詔書羣臣有所奏請尚書令奏之下有制曰天子荅之曰可若下某官云云亦曰詔書羣臣有所奏請無尚書令奏制字則荅曰已奏如書本官下所當至亦曰詔

戒書戒敕刺史太守及三邊營官被敕文曰有詔敕某官是爲戒敕也世皆名此爲策書失之遠矣

凡羣臣上書于天子者有四名一曰章二曰奏

蔡中郎外集

卷四

五

海源閣

三曰表四曰駁議

章者需頭稱稽首上書謝恩陳事詣闕通者也奏者亦需頭其京師官但言稽首下言稽首以聞其中有所請若罪法劾案公府送御史臺公卿校尉送謁者臺也

表者不需頭上言臣某言下言臣某誠惶誠恐頓首頓首死罪死罪左方下坳曰某官臣某甲上文多用編兩行文少以五行詣尚書通者也公卿校尉諸將不言姓大夫以下有同姓官別

者言姓章曰報聞公卿使謁者將大夫以下至
吏民尚書左丞奏聞報可表文報已奏如書凡
章表皆啟封其言密事得阜囊盛
其有疑事公卿百官會議若臺閣有所正處而
獨執異意者曰駁議駁議曰某官某甲議以爲
如是下言臣愚戇議異其非駁議不言議異其
合于上意者文報曰某官某甲議可

漢承秦法羣臣上書皆言昧死言王莽盜位慕
古法去昧死曰稽首光武因而不改朝臣曰稽

蔡中郎外集

卷四

六

海源閣

首頓首非朝臣曰稽首再拜公卿侍中尚書衣
帛而朝曰朝臣諸營校尉將大夫以下亦爲朝
臣

王者臨撫之別名天子曰兆民諸侯曰萬民

命長古百乘之家曰百姓

百乘之家子

天子所都曰京師京水也地下之眾者莫過于
水地上之眾者莫過于人京大師眾也故曰京

師也

京師天子之畿內千里象日月日月躔次千里

天子命令之別名一曰命出君下臣名曰命二曰令奉

行之名三曰政著名之竹帛名曰政四曰命五曰令六曰命七曰令

天子父事天母事地兄事日姊事月常以春分

朝日于東門之外示有所尊訓人民事君之道

也秋夕朝月于西門之外別陰陽之義也

天子父事三老者適成于天地人也兄事五

者訓于五品也夏者長也夏相代至五也能以

善道改夏己也又三老老謂久也舊也壽也皆

取首妻男女完具者古者天子親袒割牲執醬

而饋三公設几九卿正履使者安車輦輪送迎

而至其家天子獨拜于屏其明旦三老詣闕謝

以其禮過厚故也又五夏或為寥寥老稱與三

老同義也

三代建正之別名夏以十三月為正十寸為尺

律中大蔟言萬物始蔟而生故以為正也殷以

十二月為正九寸為尺律中大呂言陰氣大勝

助黃鍾宣氣而萬物生故以為正也周以十一

月為正八寸為尺律中黃鍾言陽氣踵黃泉而

上

蔡中郎外集

卷四

七 海源閣

出故以爲正也

三代年歲之別名唐虞曰載載歲也言一歲莫

不覆載故曰載也夏曰歲一曰稔也商曰祀周

曰年夏曰歲以三三而合十二人春祭天

閏月者所以補小月之減日以正歲數故三年

一閏五年再閏之限各三夫人帝嘗有四故以

天子諸侯后妃夫人之別名天子之妃曰后后

之言後也諸侯之妃曰夫人夫之言扶也大夫

曰孺人孺之言屬也士曰婦人婦之言服也庶

蔡中郎外集

卷四

八海源閣

人曰妻妻之言齊也公侯有夫人有世婦有妻

有妾皇后赤綬玉璽賢人緇金印緇緇色似

綠緇緇色似

天子后立六宮之別名三夫人帝嘗有四妃以

象后妃四星其一明者爲正妃三者爲次妃也

九嬪夏后氏增以三三而九合十二人春秋天

子一取十二夏制也二十七世婦殷人又增三

九二十七合三十九人八十一御女周人上法

帝嘗正妃又九九爲八十一增之合百二十人

也天子一取十二女象十二月三夫人九嬪諸
侯一取九女象九州一妻八妾卿大夫一妻二
妾士一妻一妾

王者子女封邑之筮帝之女曰公主儀比諸侯
帝之姊妹曰長公主儀比諸侯王異姓婦女以
恩澤封者曰君比長公主

天子諸侯宗廟之別名左宗廟東曰左帝牲牢
三月在外牢一月在中牢一月在明牢一月謂
近明堂也三月一時己足肥矣徙之三月示其

祭中鄧外集

卷四

九

海源閣

潔也右社稷西曰右宗廟社稷皆在庫門之內
雉門之外天子三昭三穆與太祖之廟七七廟
一壇一墀曰考廟皇考廟顯考廟祖考廟皆月
祭之諸侯二昭二穆與太祖之廟五五廟一壇
一墀曰考廟王考廟皇考廟皆月祭之

大夫以下廟之別名大夫一昭一穆與太祖之
廟三三廟一壇考廟王考廟四時祭之也士一
廟降大夫二也上士二廟一壇考廟王考廟亦
四時祭之而已自立二祀曰門曰行下士一廟

曰考廟王考無廟而祭之所謂祖稱曰廟者也
亦立二祀與上士同府史以下未有爵命號爲
庶人及庶人皆無廟四時祭于寢也並天柴其
周祧文武爲祧四時祭之而已去祧爲壇去壇
爲墀有禱焉祭之無禱乃止去墀曰鬼壇謂築
土起堂墀謂築土而無屋者也

薦考妣于適寢之所祭春薦韭卯夏薦麥魚秋
薦黍豚冬薦稻雁制無常牲取與新物相宜而

已

蔡中郎外集

卷四

十一
海源閣

天子之宗社曰泰社天子所爲羣姓立社也天
子之社曰王社一曰帝社古者有命將行師必
于此社授以政尚書曰用命賞于祖不用命戮
于社堂諸侯爲百姓立社曰國社諸侯之社曰侯社
亾國之社古者天子亦取亾國之社以分諸侯
使爲社以自儆戒屋之掩其上使不通天柴其
下使不通地自與天地絕也面北向陰示滅亾
也

大夫以下成羣立社曰置社大夫不得特立社
與民族居百姓以上則共一社今之里社是也
天子社稷土壇方廣五丈諸侯半之
天子社稷皆太牢諸侯社稷皆少牢
天子爲羣姓立七祀之別名曰司命曰中霤曰
國行曰國門曰泰厲曰戶曰竈
諸侯爲國立五祀之別名曰司命曰中霤曰國
門曰國行曰公厲

大夫以下自立三祀之別名曰族厲曰門曰行

蔡中郎外集

卷四

十一

海源閣

五祀之別名門秋爲少陰其氣收成祀之于門
祀門之禮北面設主于門左樞戶春爲少陽其
氣始出生養祀之于戶祀戶之禮南面設主于
門內之西行冬爲太陰盛寒爲水祀之于行在
廟門外之西拔壤厚二尺廣五尺輪四尺北面
設主于拔上一作軼壤竈夏爲太陽其氣長養祀之
于竈祀竈之禮在廟門外之東先席于門奧西
東設主于竈陘也中霤季夏之月土氣始盛其
祀中霤霤神在室祀中霤設主于牖下也

五方正神之別名東方之神其帝太昊其神句
芒南方之神其帝神農其神祝融西方之神其
帝少昊其神蓐收北方之神其帝顓頊其神玄
冥中央之神其帝黃帝其神后土田五天不敵
六神之別名風伯神箕星也其象在天能興風
雨師神畢星也其象在天能興雨明星神一曰
靈星其象在天舊說曰靈星火星也一曰龍星
火爲天田厲山氏之子柱及后稷能殖百穀以
利天下故祠此三神以報其功也漢書稱高帝
五年初置靈官祠后土祠位在王地社神蓋共
工氏之子句龍也能平水土帝顓頊之世舉以
爲土正天下賴其功堯祠以爲社凡樹社者欲
令萬民加肅敬也各以其野所宜之木以名其
社及其野位在未地稷神蓋厲山氏之子柱也
柱能殖百穀帝顓頊之世舉以爲田正天下賴
其功周棄亦播殖百穀以稷五穀之長也因以
稷名其神也社稷二神功同故同堂別壇俱在
未位土地廣博不可徧覆故封社稷露之者必

受霜露以達天地之氣樹之者尊而表之使人望見則加畏敬也先農神先農者蓋神農之神神農作耒耜教民耕農至少昊之世置九農之官如左

春扈氏

扈止也

農正趣民耕種

鷄鵠

夏扈氏農正趣

民芸除

亥切

秋扈氏農正趣民收斂

藍切

冬扈氏農

正趣民蓋藏

黃切

棘扈氏農正常謂茅氏一曰掌

人百果

丹切

行扈氏農正畫為民驅鳥

啗啗

宵扈氏

農正夜為民驅獸

噴噴

桑扈氏農正趣民養蠶

脂切

蔡中國外集

卷四

十三

海源閣

老扈氏農正趣民收麥

鷄鷄

五

疫神帝顛頊有三子生而亾去為鬼其一者居

江水是為瘟鬼其一者居若水是為魍魎其一

者居入宮室樞隅處善驚小兒于是命方相氏

黃金四目蒙以熊皮玄衣朱裳執戈揚楯常以

歲竟十二月從百隸及童兒而時儺以索宮中

毆疫鬼也桃弧棘矢土鼓鼓旦射之以赤丸五

穀播灑之以除疾缺已而立桃人葦索儻身虎

神荼鬱壘以執之儻身虎神荼鬱壘二神海中

有度朔之山上有桃木蟠屈三千里卑枝東北有鬼門萬鬼所出入也神荼與鬱壘二神居其門主閱領諸鬼其惡害之鬼執以葦索食虎故十二月歲竟常以先臘之夜逐除之也乃畫荼壘并懸葦索于門戶以禦凶也

四代稱臘之別名夏曰嘉平殷曰清祀周曰大

蟾漢曰臘八節之臘五帝臘祖之別名青帝以未臘非祖青帝太昊木行赤

帝以戌臘午祖赤帝炎帝火行白帝以丑臘卯祖白帝少昊

蔡中郎外集卷四十四海源閣金黑帝以辰臘子祖黑帝顓頊水行黃帝以辰臘未祖

黃帝軒轅后土土行天子大蟾八神之別名蟾之言索也祭日索此

八神而祭之也大同小異為位相對向祝曰土

反其宅水歸其壑昆蟲毋作豐年若上歲取千

百三民蠶竟常以先臘之農葦索會

先嗇關賧精良司嗇書之良燿農葦索會武封

郵表啜萬良祖貓虎貓倉田鼠虎倉田豕迎其神而祭之

坊其神之山土水庸木龍風三昆蟲車封東北

五祀之別名

五義臣

法施于民則祀以成勤事則

祀以勞定國則祀能禦大災則祀能扞大患則

祀

六號之別名神號尊其名夏為美稱若曰皇天

上帝也鬼號若曰皇祖伯某祇號若曰后土地

祇也牲號牛曰一元大武羊曰柔毛之屬也齊

號黍曰薌合梁曰香其之屬也幣號玉曰嘉玉

幣曰量幣之屬也

凡祭宗廟禮牲之別名牛曰一元大武豕曰剛

鬣豚曰膾肥羊曰柔毛雞曰翰音犬曰羹獻雉

曰疏趾兔曰明視

凡祭號牲物異于人者所以尊鬼神也脯曰尹

祭橐魚曰商祭鮮魚曰脰祭水曰清滌酒曰清

酌黍曰薌合梁曰香其稻曰嘉疏鹽曰鹹醴玉

曰嘉玉幣曰量幣

太祝掌六祝之辭順祝願豐年也年祝求永真

也告祝祈福祥也化祝弭災兵也瑞祝逆時雨

寧風旱也策祝遠罪病也

宗廟所歌詩之別名清廟一章八句洛邑既成
諸侯朝見宗祀文王之所歌也維天之命一章
八句告太平于文王之所歌也維清一章五句
奏象武之所歌也烈文一章十三句成王卽政
諸侯助祭之所歌也天作一章七句祝先王公
之所歌也昊天有成命一章七句郊祀天地之
所歌也我將一章十句祀文王于明堂之所歌
也時邁一章十五句巡守告祭柴望之所歌也
執競一章十四句祀武王之所歌也思文一章
八句祀后稷配天之所歌也臣工一章十句諸
侯助祭遣之于廟之所歌也噫嘻一章八句春
夏祈穀于上帝之所歌也振鷺一章八句二王
之後來助祭之所歌也豐年一章七句烝嘗秋
冬之所歌也有瞽一章十三句始作樂合諸樂
而奏之所歌也潛一章六句季冬薦魚春獻鮪
之所歌也雍一章十六句禘太祖之所歌也載
見一章十四句諸侯始見于武王廟之所歌也
有客一章十三句微子來見祖廟之所歌也武

一章七句奏大武周武所定一代之樂之所歌也
閔子小子一章十一句成王除武王之喪將始卽政朝于廟之所歌也
訪落一章十二句成王謀政于廟之所歌也
敬之一章十二句羣臣進戒嗣王之所歌也
小毖一章八句嗣王求忠臣助己之所歌也
載芟一章三十一句春耨田祈社稷之所歌也
良耜一章二十三句秋報社稷之所歌也
絲衣一章九句繹賓尸之所歌也
酌一章九句告成大武言能酌先祖之道以養天下之所歌也
桓一章九句師祭講武類禡之所歌也
賚一章六句大封于廟賜有德之所歌也
般一章七句巡狩祀四嶽河海之所歌也
右詩三十一章皆天子之禮樂也
五等爵之別名三公者天子之相相助也
助理天下其地方百里
侯者侯也
侯逆順也
其地方百里
伯者白也
明白于德其地方七十里
子者滋也
奉天王之恩德其地方五十里
男者任也
立功業以化民其地方五十里

守者秦置也秦兼天下置三川守伊河洛也漢
改曰河南守武帝會曰太守世祖都河陽改曰
正四人八者象八風也風外天下也公之樂
諸侯大小之筮諸侯王皇子封爲王者稱曰諸
侯王徹侯羣臣異姓有功封者稱曰徹侯避武
帝諱改曰通侯或曰列侯也朝侯諸侯有功德
者天子特命爲朝侯位次諸卿

王者耕耨田之別名天子三推三公五推卿諸
侯九推

蔡中郎外集

卷四

十一
海源閣
大清高宗皇帝

三代學校之別名夏曰校殷曰序周曰庠天子
曰辟雍謂流水四面如璧以節觀者諸侯曰頤
宮頤言半也義亦如上天壽嘽也
五帝三代樂之別名黃帝曰雲門顓頊曰六莖
帝嚳曰五英堯曰咸池舜曰大韶一曰大招夏
曰大夏殷曰大濩周曰大武天子八佾八八六
十四人八者象八風所以風化天下也公之樂
六佾象六律也侯之樂四佾象四時也
朝士卿朝之法左九棘孤卿大夫位也羣臣在

其後右九棘公侯伯子男位也羣吏在其後三槐三公之位也州長眾庶在其後

四代獄之別名唐虞曰士官史記曰皋陶為理

尚書曰皋陶作士夏曰均臺周曰囹圄漢曰獄

四夷樂之別名王者必作四夷之樂以定天下

之歡心祭神明和而歌之以管樂為之聲東方

曰鞀南方曰任西方曰侏離一作禁北方曰禁一作

昧以管樂為之聲劉本作以管為樂之聲

易曰帝出乎震震者木也言處犧氏始以木德

蔡中郎外集

卷四

十九 海源閣

王天下也木生火故處犧氏始神農氏以火德

繼之火生土故神農氏始黃帝以土德繼之土

生金故黃帝始少昊氏以金德繼之金生水故

少昊氏始顓頊氏以水德繼之水生木故顓頊

氏始帝嚳氏以木德繼之木生火故帝嚳氏始

帝堯氏以火德繼之火生土故帝舜氏以土德

繼之土生金故夏禹氏以金德繼之金生水故

殷湯氏以水德繼之水生木故周武以木德繼

之木生火故高祖以火德繼之

虞犧爲太昊氏炎帝爲神農氏黃帝爲軒轅氏
少昊爲金天氏顓頊爲高陽氏帝嚳爲高辛氏
帝堯爲陶唐氏帝舜爲有虞氏夏禹爲夏后氏
湯爲殷商氏

武王爲周

高祖爲漢

高帝 在位十二年
生惠帝

惠帝 七年
無後

呂后攝政 八年立惠帝弟
代王爲文帝

蔡中郎外集

文帝 二十三年
生景帝

景帝 十六年
生武帝

武帝 五十四年
生昭帝

昭帝 十三年無後立先
衛太子孫爲宣帝

宣帝 二十五年
生元帝

元帝 十六年
生成帝

成帝 二十六年無後立弟
定陶王子爲哀帝

哀帝 五年無後立弟中
山王子爲平帝

平帝 五年王莽篡

皇天上帝爲輔農皇黃帝爲種神皇

王莽十六年劉帝母曰皇太后帝祖母曰太皇

聖公二年光武殺之

光武三十三年莽不入壇高帝以甲午歲即位

明帝生明帝章帝生章帝帝三百八十六年新王莽廢聖公

和帝生和帝十七年莽刺王莽帝三百八十六年新王莽廢聖公

鳩帝生鳩帝一年無後取清帝皇后東面少帝

安帝生安帝十九年順帝順帝生順帝十九年順帝

順帝生順帝十九年順帝順帝生順帝十九年順帝

蔡中郎外集卷四三海源閣

冲帝一年無後取和帝孫安樂王子是為質帝

質帝一年無後取河間敬王孫蠡吾侯子為桓帝

桓帝二十一年無後取解續侯子立為靈帝

靈帝二十二年生史侯董卓殺之立史侯弟陳留王為帝

從高帝至桓帝三百八十六年除王莽劉聖公

三百六十六年從高祖乙未至今壬子歲四百

一十年呂后王莽不入數高帝以甲午歲即位

以乙未為元

帝嫡妃曰皇后帝母曰皇太后帝祖母曰太皇

文帝弟雖在三禮兄弟不相爲後文帝卽高祖子于惠帝兄弟也故不爲惠帝後而爲弟二宣帝弟次昭帝史皇孫之子于昭帝爲兄孫以係

祖不得上與父齊故爲七世

右表宣帝列弟八世誤淳熙間呂宗

孟刻本列弟七爲允

光武雖在十二于父子之次于成帝

爲兄弟于哀帝爲諸父于平帝爲父祖皆不可爲之後上至元帝于光武爲父故上繼元帝而爲九世故河圖曰赤九世會昌謂光武也十世以光謂孝明也十一以興謂孝章也成雖在九哀雖在十平雖在十一不稱次

蔡中郎外集

卷四

三

海源閣

宗廟之制古學以爲人君之居前有朝後有寢終則前制廟以象朝後制寢以象寢廟以藏主列昭穆寢有衣冠几杖象生之具總謂之宮月令曰先薦寢廟詩云公侯之宮頌曰寢廟奕奕言相連也是皆其文也古不墓祭至秦始皇出寢起居于墓側漢因而不改故今陵上稱寢殿有起居衣冠象生之備皆古寢之意也居西都時高帝以下每帝各別立廟月備法駕遊衣冠

又未定迭毀之禮元帝時丞相匡衡御史大夫
貢禹乃以經義處正罷遊衣冠毀先帝親盡之
廟高帝爲太祖孝文爲太宗孝武爲世宗孝宣
爲中宗祖宗廟皆世世奉祠其餘惠景以下皆
毀五年而稱殷祭猶古之禘祫也殷祭則及諸
毀廟非殷祭則祖宗而已光武中興都洛陽乃
合高祖以下至平帝爲一廟藏十一帝主于其
中元帝于光武爲禰故雖非宗而不毀也後嗣
遵承遂常奉祀光武舉天下以再受命復漢祚

蔡中郎外集

卷四

三

海源閣
大正三年

夏起廟稱世祖孝明臨崩遺詔遵儉毋起寢廟
藏主于世祖廟孝章不敢違是後遵承藏主于
世祖廟皆如孝明之禮而園陵皆自起寢廟孝
明曰顯宗孝章曰肅宗是後踵前孝和曰穆宗
孝安曰恭宗孝順曰敬宗孝桓曰威宗唯鳩沖
質三少帝皆以未踰年而崩不列于宗廟四時
就陵上祭寢而已今洛陽諸陵皆以晦望二十
四氣伏社臘及四時曰上飯大官送用園令會
監典省其親陵所宮人隨鼓漏理被枕具盥水

陳巖具天子以正月五日畢供後上原陵以次
周徧公卿百官皆從四姓小侯諸侯家婦凡與
先帝先后有瓜葛者及諸侯王大夫郡國計吏
匈奴朝者西國侍子皆會尚書官屬陞西除下
先帝神座後大夫計吏皆當軒下占其郡穀價
四方災異欲皆使先帝魂神具聞之遂于親陵
各賜計吏而遣之正月上丁祠南郊禮畢次北
郊明堂高祖廟世祖廟謂之五供五供畢以次
上陵也四時宗廟用牲十八太牢皆有副倅西

蔡中郎外集

卷四

五

海源閣
大正十一年

廟五主高帝文帝武帝宣帝元帝也高帝爲高
祖文帝爲太宗武帝爲世宗宣帝爲中宗其廟
皆不毀孝元功薄當毀光武復天下屬弟于元
帝爲子以元帝爲禰廟故列于祖宗後嗣因承
遂不毀也

東廟七主光武明帝章帝和帝安帝順帝桓帝
也光武爲世祖明帝爲顯宗章帝爲肅宗和帝
爲穆宗安帝爲恭宗順帝爲敬宗桓帝爲威宗
廟皆不毀少帝未踰年而崩皆不入廟以陵寢

爲廟者三。曠帝康陵。沖帝懷陵。質帝靜陵。是也。追號爲后者三。章帝宋賢人曰敬隱后。葬北陵。安帝祖母也。清河孝德皇后。安帝母也。章帝梁賢人曰恭懷后。葬西陵。和帝母也。安帝張賢人曰恭敬后。葬北陵。順帝母也。尊慈于厥父。故兩廟十二主。三少帝三后。故用十八太牢也。漢家不言禘祫。五年而再殷祭。則西廟惠帝景昭皆別祠。成哀平三帝以非光武所後。藏主長安。故高廟四時祠于東廟。京兆尹侍祠衣冠車

蔡中郎外集

卷四

三六三海源閣

服如太常祠行陵廟之禮。順帝母故云。姓李或姓張。高祖得天下而父在上。尊號曰太上皇。不言帝。非天子也。孝宣繼孝昭。帝其父曰史皇孫。祖父曰衛太子。太子以罪廢。及皇孫皆歿。宣帝但起園陵。長承奉守。不敢加尊號于祖父也。光武繼孝元。亦不敢加尊號于父祖也。世祖父南頓君曰皇考祖。鉅鹿都尉曰皇祖。曾祖鬱林太守曰皇曾祖。高祖春陵節侯曰皇高祖。起陵廟置章陵以奉祠之而已。至曠帝崩。無子弟。安帝

以和帝兄子從清河王子卽尊號依高帝尊父
爲太上皇之義追號父清河王曰孝德皇順帝
崩沖帝無子弟立樂安王子是爲質帝帝偏于
順烈梁后父大將軍梁冀未得尊其父而崩桓
帝以蠡吾侯子卽尊位追尊父蠡吾先侯曰孝
崇皇母匡太夫人曰孝崇后祖父河閒孝王曰
孝穆皇祖母妃曰孝穆后桓帝崩無子今上卽
位追尊父解犢侯曰孝仁皇母董夫人曰孝仁
后祖父河閒敬王曰孝元皇祖母夏妃曰孝元

蔡中郎外集

卷四

三

海源閣

后 天子大社以五色土爲壇皇子封爲王者受天

子之社土以所封之方色東方受青南方受赤

他如其方色苴以白茅授之各以其所封方之

色歸國以立社故謂之受茅土漢興以皇子封

爲王者得茅土其地功臣及鄉亭他姓公侯各
以其戶數租入爲隄不受茅土亦不立社也
漢制皇子封爲王者其實古諸侯也周末諸侯
或稱王而漢天子自以皇帝爲稱故以王號加

之總名諸侯王子弟封爲侯者謂之諸侯羣臣異姓有功封者謂之徹侯後避武帝諱改曰通侯法律家皆曰列侯功德優盛朝廷所異者賜位特進位在三公下其次朝侯位次九卿下皆平冕文衣侍祠郊廟稱侍祠侯其次下士但侍祠無朝位次小國侯以肺腑宿衛親公主子孫奉墳墓在京者亦隨時見會謂之猥朝侯也曰巡狩校獵還公卿以下陳洛陽都亭前街上乘輿到公卿下拜天子下車公卿親識顏色然後

蔡中郎外集

卷四

三

海源閣
大三百廿三小

還宮古語曰在車則下惟此時施行

正月朝賀三公奉璧上殿向御座北面太常贊曰皇帝爲君興三公伏皇帝坐乃進璧古語曰御坐則起此之謂也舊儀三公以下月朝後省常以六月朔十月朔旦朝後又以盛暑省六月朝故今獨以爲正月十月朔朝也冬至陽氣始起麋鹿解角故寢兵鼓身欲益志欲靜不聽事送迎五日臘者歲終大祭縱吏民宴飲非迎氣故但送不迎正月歲首亦如臘儀冬至陽氣起

君道長故賀夏至陰氣起君道衰故不賀鼓以
動眾鐘以止眾夜漏盡鼓鳴則起晝漏盡鐘鳴
則息也禮乘曰金駝車駕六馬正合天子出車駕次弟謂之鹵簿有大駕有小駕有
法駕大駕則公卿奉引大將軍參乘太僕御屬
車八十一乘備千乘萬騎在長安時出祠天子
甘泉備之百官有其儀注名曰甘泉鹵簿中興
以來希用之先帝時時備大駕上原陵他不常
用唯遭大喪乃施之法駕公卿不在鹵簿中唯

蔡中郎外集

卷四

二十九 海源閣
大三元卷八

河南尹執金吾洛陽令奉引侍中參乘奉車郎
御屬車三十六乘北郊明堂則省諸副車小駕
祠宗廟用之每出太僕奉駕上鹵簿于尚書侍
中中常侍侍御史主者郎令史皆執注以督整
諸軍車騎春秋上陵令又省于小駕匪事尚書
一人從令以下皆先行鹵簿大駕法駕上所乘曰金輅車駕六馬有五色安車五
色立車各一皆駕四馬是爲五時副車俗人名
之曰五帝車非也又有戎立車以征伐三蓋車

名耕耜車一名芝車親耕耨田乘之又有蹋豬車慢輪有畫田獵乘之綠車名曰皇孫車天子孫乘之以從玉帛禮書卷八各之曰載駟車凡乘輿車皆羽蓋金華瓜黃屋左纛金鏤方鈿繫纓重轂副牽

黃屋者蓋以黃爲裏也輿今二千石亦然左纛者以羴牛尾爲之大如斗在最後左駢馬馱上金鏤者馬冠也高廣各四寸如玉華形在馬馱前方鈿者鐵廣數寸在馱後有三孔插翟

蔡中郎外集

卷四

三

海源閣

尾其中繫纓在馬膺前如索幫者是也

重轂者轂外復有一轂施牽其外乃復設牽施銅金鏤形如緹亞飛輪以緹油廣八寸長注地左畫蒼龍右白虎繫軸頭今二千石亦然但無畫耳重轂

前驅有九旂雲罕闐戟皮軒鑿旗車皆大夫載鑿旗者編羽毛引繫橦鬃俗人名之曰雞翹車非也後有金鉦黃鉞黃門鼓車古者諸侯貳車九乘秦滅九國兼其車服故大駕屬車八十一

乘也尚書御史乘之最後一車懸豹尾以前皆皮軒虎皮爲之也

永安七年建金耜耕耜諸御車皆一轅或四馬或六馬金耜箱輪皆以金鑄正黃兩臂前後刻金以作龍虎鳥龜形上但以青縑爲蓋羽毛無後戶

冕冠周曰爵弁殷曰冔夏曰收皆以三十升漆布爲殼廣八寸長尺二寸加爵冕其上周黑而赤如爵頭之色前小後大殷黑而微白前大後

蔡中郎外集

卷四

三 海源閣
大各卷九十七

小夏純黑而赤前小後大皆有收以持笄詩曰

常服黼冔禮朱于玉威冕而舞大武

威漢書作
鉞冕喬本

作冔
非是

周書曰王與大夫盡弁古皆以布中古以

絲孔子曰麻冕禮也今也純儉漢雲翹冠樂祠

天地五郊舞者服之冕冠垂旒周禮天子冕前

後垂延朱綠藻有十二旒公侯大夫各有筦別

漢興至孝明帝永平二年詔有司采尚書皋陶

篇及周官禮記定而制焉皆廣七寸長尺二寸

前圓後方朱綠裏而玄上前垂四寸後垂三寸

繫白玉珠于其端是爲十二旒組纓如其綬之色三公及諸侯之祠者朱綠九旒青玉珠卿大夫七旒黑玉珠皆有前無後組纓各視其綬之色芻垂黈纁當戶郊地祠宗廟祀明堂則冠之衣黼衣佩玉佩履絢履孔子曰服周之冕鄙人不識謂之平天冠

天子冠通天冠諸侯王冠遠遊冠公侯冠進賢冠公王三梁卿大夫尚書二千石博士冠兩梁千石六百石以下至小吏冠一梁天子公卿特

蔡口郎外集

卷四

三

海源閣
大正六年六月

進朝侯祀天地明堂皆冠平冕

天子十二旒三公九諸侯卿七其纓與組各如

其綬之色衣玄上纁下日月星辰山龍華蟲祠

宗廟則長冠衿玄

衿玄喬本作楊玄劉本作禡玄皆非是案司馬輿服志曰

長冠祀宗廟諸祀則冠之皆服衿玄注曰獨斷曰衿紺繪也吳都賦曰衿阜服

其武官

太尉以下及侍中常侍皆冠惠文冠侍中常侍加貂蟬御史冠冠法冠謁者冠高山冠其鄉射行禮公卿冠委貌衣玄端執事者皮弁服宮門僕射冠卻非大樂郊社祝舞者冠建華其狀如婦

人縷篋迎氣五郊舞者所冠亦爲冕車駕出後有巧士冠似高山冠而小

幘者古之卑賤執事不冠者之所服也孝武帝奔館陶公主家召見董偃偃傳青繡絲幘主贊曰主家庖人臣偃昧死再拜謁上爲之起乃賜衣冠引上殿董仲舒武帝時人其上兩書曰執事者皆赤幘知皆不冠者之所服也元帝額有壯髮不欲使人見始進幘服之羣臣皆隨焉然尚無巾如今半幘而已王莽無髮乃施巾故語

蔡中郎外集

卷四

三

海源閣
六三九九七小

曰王莽禿幘施屋冠進賢者宜長目冠惠文者宜短目各隨所宜

通天冠天子常服漢服受之秦禮無文遠遊冠諸侯王所服展筓無山禮無文高山冠齊冠也一曰側注高九寸鐵爲卷梁不展筓無山秦制行人使官所冠今謁者服之禮無文太傅胡公說曰高山冠蓋齊王冠也秦滅齊以其君冠賜謁者

進賢冠文官服之前高七寸後三寸長八寸公

侯三梁卿大夫尚書博士兩梁千石六百石以下一梁漢制禮無文
法冠楚冠也一曰柱後惠文冠高五寸以纚裹鐵柱卷秦制執法服之今御史廷尉監平服之謂之獬豸冠獬豸獸名蓋一肉今冠兩肉以獬豸爲名非也太傅胡公說曰左氏傳有南冠而繁者國語曰南冠以如夏姬是知南冠蓋楚之冠秦滅楚以其君冠賜御史武冠或曰繁冠今謂之大冠武官服之侍中中常侍加黃金附貂

蔡中郎外集

卷四

三

海源閣
大三台卷四

蟬鼠尾飾之太傅胡公說曰趙武靈王效胡服始施貂蟬之飾秦滅趙以其君冠賜侍中齊冠或曰長冠竹裹以纚高七寸廣三寸形如板高祖冠以竹皮爲之謂之劉氏冠楚制禮無文鄙人不識謂之鶴尾冠
建華冠以鐵爲柱卷貫大珠九枝今以銅爲珠形制似縷簾記曰知天文者服之左傳曰鄭子臧好聚鷖冠前圖以爲此制是也天地五郊明堂月令舞者服之

方山冠以五采縠爲之漢祀宗廟大享八佾樂
五行舞人服之衣冠各從其行之色如其方色
而舞焉

術士冠前圓吳制邈迤四重趙武靈王好服之
今者不用其說未聞文獻古者天子宗祀吹管
巧士冠高五寸要後相通埽除從官服之禮無
文

卻非冠宮門僕射者服之禮無文

樊噲冠漢將軍樊噲造次所冠以入項籍營廣

蔡中郎外集卷四

七寸前出四寸司馬殿門大護衛士服之

卻敵冠前高四寸通長四寸後高三寸監門衛

士服之禮無文

珠冕珠冕劉本爵尋收通天冠進賢冠長冠緇

布冠委貌冠皮弁惠文冠古者天子冠所加者

其次在漢禮

帝謚

違拂不成曰隱
靖民則法曰黃
翼善傳聖曰堯
仁聖盛明曰舜
旱八節樂

賤人多壘曰桀

戰義損善曰紂

慈惠愛親曰孝

愛民好與曰惠

聖善同文曰宣

聲聞宣遠曰昭

克定禍亂曰武

聰明睿智曰獻

溫柔聖善曰懿

布德執義曰穆

仁義說民曰元

安仁立政曰神

布綱治紀曰平

亂而不損曰靈

保民耆艾曰明

辟土有德曰襄

貞心大度曰匡

大慮慈民曰定

蔡中郎外集

卷四

三

海源閣

知過能改曰恭

不生其國曰聲

一德不懈曰簡

夙興夜寐曰敬

清白自守曰貞

柔德好眾曰靖

安樂治民曰康

小心畏忌曰僖

中身早折曰悼

慈仁和民曰順

好勇致力曰莊

恭人短折曰哀

在國逢難曰愍

名實過爽曰繆

立穆切

壅遏不通曰幽

暴虐無親曰厲

致志大圖曰景

辟土兼國曰桓

經緯天地曰文策四執義揚善曰懷

短折不成曰鳩策大去禮遠眾曰煬者十卷本

怠政外交曰攜策大治典不敷曰祈一曰

編例說他本為善茲據錄不載十卷本者為外

集以碑頌贊銘二十二篇為第一卷討箴連珠

各一篇碑頌贊銘五篇疏議論書十篇為第二卷

附女訓一篇為第三卷依十卷本

例也

雜文各異其大略

蔡中郎外集

卷四

三五 海源閣

德

德

德

德

德

德

德

德

蔡中郎外集卷第四終大小一系九百廿七字

右蔡中郎外集四卷皆徐刻歐序十卷本所不載從喬本汪本張本劉本參覈輯錄者十卷本首碑銘次疏表議書論問荅又外紀頌疏賦詩編例視他本爲善茲摭錄不載十卷本者爲外集以碑頌贊銘二十二篇爲第一卷增箴連珠各一篇祝弔文五篇疏議論書十篇爲第二卷增女訓一篇賦詩二十篇爲第三卷依十卷本例也獨斷記炎漢掌故爲文外之專述別爲第四卷編于集末依朱崇沐刻韓文考異次順宗

蔡中郎外集

跋

海源閣
六二九

實錄例也所錄據某本皆于每篇題下注明其注十卷本無以鈔本活本皆十卷同徐本也其文體校近有似非中郎作及寥寥數語上下似有闕文悉照錄存俟識者訂正焉高均儒識

東山軒齋贊論二十二篇爲第一卷世類賦類
論詞賦本爲善茲無難不嫌十卷本善爲代
首輯論文苑表類書論問荅又外紀頌疏賦詩
增外齋本五本聚本隱本參覈輯錄皆十卷本
各蔡中郎外集四卷皆徐刻歐序十卷本所不

蔡中郎集卷之末

後漢書列傳

蔡邕字伯喈陳畱圉人也六世祖勳好黃老平
帝時爲郤令王莽初授以厭戎連率勳對印綬
仰天歎曰吾策名漢室死歸其正咎曾子不受
季孫之賜況可事二姓哉遂攜將家屬逃入漢
山與鮑宣卓茂等同不仕新室父棧亦有清白
行謚曰貞定公邕性篤孝母常滯病三年邕自
非寒暑節變未嘗解襟帶不寢寐者七旬母卒
蔡中郎集

列傳

一 海源閣
大正九年四月

廬于冢側動靜已禮有免馴擾其室傷又木生
連理遠近奇之多往觀焉與叔父從弟同居三
世不分財鄉黨高其義少博學師事太傅胡廣
好辭章數術天文妙操音律桓帝時中常侍徐
璜左悺等五侯擅恣聞邕善鼓琴遂白天子敕
陳畱太守督促發遣邕不得已行到偃師稱疾
而歸閒居翫古不交當世感東方朔客難及揚
雄班固崔駰之徒設疑已自通乃斟酌羣言躡
其是而矯其非作釋誨已戒厲云爾有務世公

子誨于華顛胡老曰蓋聞聖人之大寶曰位故
曰仁守位曰財聚人然則有位斯賢有財斯富
行義達道士之司也故伊摯有負鼎之術仲尼
設執鞭之言甯子有清商之歌百里有豢牛之
事夫如是則聖哲之通趣古人之明志也夫子
生清穆之世秉醇和之靈覃思典籍韞積六經
安貧樂賤與世無營沈精重淵抗志高冥包括
無外綜析無形其已久矣曾不能拔萃出羣揚
芳飛文登天庭序彝倫埽六合之穢慝清宇宙
之埃塵連光茫于白日屬炎氣于景雲時逝歲
暮默而無聞小子惑焉是以有云方今聖上寬
明輔弼賢知崇英逸偉不墜于地德弘者建宰
相而裂土才羨者荷榮祿而蒙賜益亦回塗要
至俛仰取容輯當世之利定不拔之功榮家宗
于此時遺不滅之令蹤夫獨未之思耶何爲守
彼而不通此胡老傲然而笑曰若公子所謂觀
曖昧之利而忘昭哲之害專必成之功而忽蹙
跌之貶者已公子謾爾斂衽而興曰胡爲其然

蔡中郎集

列傳

二

海源閣

也胡老曰居吾將釋汝咎自太極君臣始基有
羲皇之洪寔唐虞之至時三代之隆亦有緝熙
五伯扶微勤而撫之于斯呂降天綱縱人紘弛
王塗壞太極陶君臣土崩上下瓦解于是智者
騁詐辯者馳說武夫奮略戰士講銳電駭風馳
霧縠雲披變詐乖詭呂合時宐或畫一策而綰
萬金或談崇朝而錫瑞珪連衡者六印磊落合
從者駢組流離隆賢翕習積富無崖據巧蹈機
呂忘其危夫華離蒂而萎條去榦而枯女冶容

蔡中郎集

列傳

三

海源閣
大方廣小石

而淫士背道而辜人毀其滿神疾其邪利端始
萌害漸亦身速速方轂天天是加欲豐其屋乃
蔀其家是故天地否閉聖哲潛形石門守晨沮
溺耦耕顏歎抱璞蘧瑗保生齊人歸樂孔子斯
征雍渠驂乘逝而遺輕夫豈傲主而背國乎道
不可呂傾也且我聞之日南至則黃鍾應融風
動而魚上冰泐賓統則微陰萌蒹葭蒼而白露
凝寒暑相推陰陽代興運極則化理亂相承今
大漢紹陶唐之洪烈盪四海之戩災隆隱天之

高拆紆地之基皇道惟融帝猷顯平泝泝庶類
含甘吮滋檢六合之羣品濟之乎雍熙羣僚恭
己于職司聖主垂拱乎兩楹君臣穆穆守之曰
平濟濟多士端委縉緹鴻漸盈階振鷺充庭譬
猶鍾山之玉泗濱之石累珪璧不爲之盈采浮
磬不爲之索曩者洪源辟而四隩集武功定而
干戈戢獫狁攘而吉甫宴城濮捷而晉凱入故
當其有事也則蓑笠竝載擐甲揚鋒不給于務
當其無事也則舒紳緩佩鳴玉曰步綽有餘裕

蔡中郎集

列傳

四
海源閣

夫世臣門子膺御之族天隆其祐主豐其祿裒
膺從容爵位自從攝須理髯餘官委賢其取進
也順傾轉圓不足曰喻其便逡巡放屣不足曰
況其易夫有逸羣之才人人有優贍之智童子
不問疑于老成矇矓不稽謀于先生心恬澹于
守高意無爲于持盈槩乎煌煌莫非華榮明哲
泊焉不失所寧狂淫振蕩乃亂其情貪夫恂財
夸者成權瞻仰此事體躁心煩闇謙盈之效迷
損益之數騁駑駘于修路慕騏驥而增驅卑俯

乎外戚之門乞助乎近賢之譽榮顯未副從而
顛踣下獲熏胥之辜高受滅家之誅前車已覆
襲軌而驚曾不鑒禍已知畏懼子惟悼哉害其
若是天高地厚踣而躋之怨豈在明患生不思
戰戰兢兢必慎厥尤且用之則行聖訓也舍之
則藏至順也夫九河盈溢非一由所防帶甲百
萬非一勇所抗今子責匹夫以清宇宙庸可以
水旱而累堯湯乎懼煙炎之毀燔何光茫之敢
揚哉且夫地將震而樞星直井無景則日陰會
蔡中郎集

列傳

五

海源閣
大正九年九月

元首寬則望舒朏侯王肅則月側匿是呂君子
推微達著尋端見緒履霜知冰踐露知暑時行
則行時止則止消息盈沖取諸天紀利用遭泰
可與處否樂天知命持神任己羣車方奔乎險
路安能與之齊軌思危難而自豫故在賤而不
恥方將騁馳乎典籍之崇塗休息乎仁義之淵
藪槃旋乎周孔之庭宇指儒墨而與爲友舒之
足呂光四表收之則莫能知其所有若乃丁千
載之運應神靈之符闔閭闔乘天衢擁華蓋而

奉皇樞納玄策于聖德宣太平于中區計合謀
從己之圖也勳績不立予之辜也龜鳳山翳霧
露不除踴躍草萊祇見其愚不我知者將謂之
迂修業思真棄此焉如靜呂俟命不斃不渝百
歲之久歸乎其居畚其獲稱天所誘也罕漫而
已非己咎也管伯翳綜聲于鳥語葛盧辯音于
鳴牛董父受氏于豢龍奚仲供德于衡軛倕氏
興政于巧工造父登御于驂騮非子享土于善
圉狼曠取右于禽囚弓父畢精于筋角攸飛明

蔡中郎集

列傳

六

海源閣
大正九年九月

勇于赴流壽王創基于格五東方要畚于談優
上官效力于執蓋弘羊據相于運籌僕不能參
迹于若人故哀璞而優游于是公子仰首降階
忸怩而避胡老乃揚衡含笑援琴而歌歌曰練
余心兮浸太清滌穢濁兮存正靈和液暘兮神
氣寔情志泊兮心亭亭嗜欲息兮無由生蹕宇
宙而遺俗兮眇翩翩而獨征建寔三年辟司徒
橋玄府玄甚敬待之出補河平長召拜郎中校
書東觀遷議郎邕以經籍去聖久遠文學多謬

俗儒穿鑿疑誤後學熹平四年乃與五官中郎
將堂谿典光祿大夫楊賜諫議大夫馬日磾議
郎張馴韓說太史令單颺等奏求正定六經文
字靈帝許之邕乃自書冊于碑使工鐫刻立于
太學門外于是後儒晚學咸取正焉及碑始立
其觀視及摹寫者車乘日千餘兩填塞街陌初
朝議曰州郡相黨人情比周乃制婚姻之家及
兩州人士不得對相監臨至是復有三互法禁
忌轉密選用艱難幽冀二州久缺不補邕上疏

蔡中郎集

列傳

七

海源閣
大三卷九小多

曰伏見幽冀舊壤鎧馬所出比年兵饑漸至空
耗今者百姓虛縣萬里蕭條闕職經時吏人延
屬而三府選舉踰月不定臣經怪其事而論者
云避三互十一州有禁當取二州而已又二州
之士或復隄曰歲月狐疑遲淹曰失事會愚曰
爲三互之禁禁之薄者今但申曰威靈明其憲
令在任之人豈不戒懼而當坐設三互自生畱
闕邪督韓安國起自徒中朱買臣出于幽賤竝
曰才宜還守本邦又張敞亡命擢授劇州豈復

顧循三五繼呂末制乎三公明知二州之要所
宜速定當越禁取能呂赦時敝而不顧爭臣之
義苟避輕微之科選用稽滯呂失其人臣願陛
下上則先帝蠲除近禁其諸州刺史器用可換
者無拘日月三五呂筮厥中書奏不省初帝好
學自造皇義篇五十章因引諸生能爲文賦者
本頗呂經學相招後諸爲尺牘及工書鳥篆者
皆加引召遂至數十人侍中祭酒樂松賈護多
引無行趨執之徒竝待制鴻都門下憲陳方俗
蔡中郎集

列傳

八
海源閣
大三石印小抄

閭里小事帝甚悅之待呂不次之位又市賈小
民爲宣陵孝子者復數十人悉除爲郎中太子
舍人時頻有靄霆疾風傷樹拔木地震隕雹蝗
蟲之害又鮮卑犯境役賦及民六年七月制書
引咎誥羣臣各陳政要所當施行邕上封事曰
臣伏讀聖旨雖周成遇風訊諸執事宣王遭旱
密勿祇畏無呂或加臣間天降災異緣象而至
辟歷數發胎刑誅繁多之所生也風者天之號
令所呂教人也夫昭事上帝則自懷多福宗廟

致敬則鬼神以著國之大事實先祀典天子聖
躬所當恭事臣自在宰府及備朱衣迎氣五郊
而車駕稀出四時至敬屢委有司雖有解除猶
爲疏廢故皇天不悅顯此諸異洪範傳曰政悖
德隱厥風發屋折木坤爲地道易稱安貞陰氣
憤盛則當靜反動法爲下叛夫權不在上則電
傷物政有苛暴則狼虎食人貪利傷民則蝗蟲
損稼去六月二十八日太白與月相迫兵事惡
之鮮卑犯塞所從來遠今之出師未見其利上

蔡中郎集

列傳

九

海源閣
大正四年五月

違天文下逆人事誠當博覽眾議從其安者臣
不勝憤懣謹條宜所施行七事表左

一 事明堂月令天子以四立及季夏之節迎五
帝于郊所召導致神氣祈福豐年清廟祭祀追
往孝敬養老辟雍示人禮化皆帝者之大業祖
宗所祇奉也而有司數召蕃國疏喪宮內產生
及吏卒小汚屢生忌故竊見南郊齊戒未嘗有
廢至于它祀輒興異議豈南郊卑而它祀尊哉
孝元皇帝策書曰禮之至敬莫重于祭所召竭

心親奉呂致肅祇者也又元和故事復申先典
前後制書推心懇惻而近者呂來受任太史忘
禮敬之大任禁忌之書拘信小故呂虧大典禮
妻妾產者齋則不入側室之門無廢祭之文也
所謂宮中有卒三月不祭者謂士庶人數堵之
室共處其中巨豈謂皇居之曠臣妾之眾哉自
今齋制宜如故典庶荅風霆災妖之異

二事臣聞國之將興至言數聞內知己政外見
民情是故先帝雖有聖明之姿而猶廣求得失

蔡中郎集

列傳

十

海源閣

又因災異援引幽隱重賢良方正敦朴有道之
選危言極諫不絕于朝陛下親政呂來頻年災
異而未聞特舉博選之旨誠當思省述修舊事
使寡忠之臣展其狂直呂解易傳政悖德隱之
言

三事夫求賢之道未必一塗或呂德顯或呂言
揚頃者立朝之士曾不呂忠信見賞恆被謗訕
之誅遂使羣下結口莫圖正辭郎中張文前獨
盡狂言聖聽納受呂責三司臣子曠然眾庶解

悅臣愚呂爲宜擢文右職呂勸忠謇宣聲海內
博開政路

四事夫司隸校尉諸州刺史所呂督察姦枉分
別白黑者也伏見幽州刺史楊熹益州刺史龐
芝涼州刺史劉虔各有奉公疾姦之心熹等所
糾其效尤多餘皆枉撓不能稱職或有裒臯襄
瑕與下同疾綱網弛縱莫相舉察公府臺閣亦
復默然五年制書議遣八使又令三公謠言奏
事是時奉公者欣然得志邪枉者憂悸失色未

蔡中郎集

列傳

十一
海源閣

詳斯議所因寢息咎劉向奏曰夫執狐疑之計
者開羣枉之門養不斷之慮者來讒邪之口今
始聞善政旋復變易足令海內測度朝政宜追
定八使糾舉非法夏選忠清平章賞罰三公歲
盡登其殿最使吏知奉公之福營私之禍則眾
災之原庶可塞矣

五事臣聞古者取士必使諸侯歲貢孝武之世
郡舉孝廉又有賢良文學之選于是名臣輩出
文武竝興漢之得人數路而已夫書畫辭賦才

之小者匡國理政未有其能陛下卽位之初先涉經術聽政餘日觀省篇章聊以游意當代博亦非以教化取士之本而諸生競利作者鼎沸其高者頗引經訓風諭之言下則連偶俗語有類俳優或竊成文虛冒名氏臣每受詔于盛化門筵次錄第其未及者亦復隨輩皆見拜擢既加之恩難復收改但守奉祿于義已弘不可復使理人及仕州郡管孝宣會諸儒于石渠章帝集學士于白虎通經釋義其事優大文武之道

蔡中郎集

列傳

十一

海源閣
大正九年

所宜從之若乃小能小善雖有可觀孔子以爲致遠則泥君子故當志其大者論語六事墨綬長吏職典理人皆當以惠利爲績日月爲勞褒責之科所宜分明而今在任無復能省及其還者多召拜議郎郎中若器用優美不宜處之冗械如有覺故自當極其刑誅豈有伏罪懼考反求遷轉更相放效臧否無章先帝舊典未嘗有此可皆斷絕以覈眞僞論衡七事伏見前一切以宣陵孝子者爲太子舍人

臣聞孝文皇帝制喪服三十六日雖繼體之君
父子至親公卿列臣受恩之重皆屈情從制不
敢踰越今虛僞小人本非骨肉既無牽私之恩
又無祿仕之實惻隱思慕情何緣生而羣聚山
陵假名稱孝行不隱心義無所依至有姦軌之
人通容其中恆思皇后祖載之時東郡有盜人
妻者亾在孝中本縣追捕乃伏其辜虛僞雜穢
難得勝言又前至得拜後輩被遺或經年陵次
呂暫歸見漏或亾人自代亦蒙寵榮爭訟怨悞
蔡中郎集

列傳

十三 海源閣
大正再刊

凶凶道路太子官屬宜按選令德豈有但取丘
墓凶醜之人其爲不祥莫與大焉宜遣歸田里
呂明詐譌書奏帝乃親迎氣北郊及行辟雍之
禮又詔宣陵孝子爲舍人者悉改爲丞尉焉光
和元年遂置鴻都門學畫孔子及七十二弟子
像其諸生皆敕州郡三公舉用辟召或出爲刺
史太守入爲尚書侍中乃有封侯賜爵者士君
子皆恥與爲列焉時妖異數見人相驚擾其年
七月詔召邕與光祿大夫楊賜諫議大夫馬日

禪議郎張華太史令單颺詣金商門引入崇德殿使中常侍贖節王甫就問災異及消改變故所宜施行邕悉心曰對事在五行天文志又特詔問曰比災變互生未知厥咎朝廷焦心載懷恐懼每訪羣公卿士庶聞忠言而各存括囊莫可盡心曰邕經學深奧故密特稽問宜披露失得指陳政要勿有依違自生疑諱具對經術曰阜囊封上邕對曰臣伏惟陛下聖德允明深悼災咎褒臣末學特垂訪及非臣螻蟻所能堪副蔡中郎集

列傳

十四

海源閣
大正六年

人者察其風聲將爲國患宜高爲隄防明設禁令
淡惟趙霍呂爲至戒今聖意勤勤思明邪正而
聞太尉張顥爲玉所進光祿勳偉璋有名貪濁
又長水校尉趙玠屯騎校尉蓋升竝叨時奉榮
富優足宜念小人在位之咎退思引身避賢之
福伏見廷尉郭禧純厚老成光祿大夫橋玄聰
達方直故太尉劉寵忠實守正竝宜爲謀主數
見訪問夫宰相大臣君之四體委任責成優劣
已分不宜聽納小吏雕琢大臣也又尚方工

蔡中郎集

列傳

五

海源閣
大三原冊小

技之作鴻都篇賦之文可且消息呂示惟憂詩
云畏天之怒不敢戲豫天戒誠不可戲也宰府
孝廉士之高選近者以辟召不慎切責三公而
今竝呂小文超取選舉開請託之門違明王之
典眾心不厭莫之敢言臣願陛下忍而絕之思
惟萬機以荅天望聖朝旣自約厲左右近臣亦
宜從化人自抑損呂塞咎戒則天道虧滿鬼神
福謙矣臣呂愚贛感激忘身敢觸忌諱手書具
對夫君臣不密上有漏言之戒下有失身之禍

願寢臣表無使盡忠之吏受怨姦仇章奏帝覽而歎息因起夏衣轡節于後竊視之悉宣語左右事遂漏露其爲邕所裁黜者皆側目思報初邕與司徒劉郃素不相平叔父衛尉質又與將作大匠楊球有隙球卽中常侍程璜女婿也璜遂使人飛章言邕質數言私事請託于郃郃不聽邕含隱切志欲相中于是詔下尚書召邕詰狀邕上書自陳曰臣被召問臣大鴻臚劉郃前爲濟陰太守臣屬吏張宛長休百日郃爲司隸蔡中郎集

列傳

十六

海源閣
大三百卅小

又託河內郡吏李奇爲州書佐及營護故河南尹羊陟侍御史胡毋班郃不爲用致怨之狀臣征營怖悸肝膽塗地不知歿命所在竊自尋案實屬宛奇不及陟班凡休假小吏非結悞之本與陟媼家豈敢申助私黨如臣父子欲相傷陷當明言臺閣具陳悞狀所緣內無寸事而謗書外發宜臣對與郃參驗臣得言學問特蒙褒異執事祕館操管御前姓名貌狀微簡聖心今年七月召詣金商門問臣災異齋詔申旨誘使臣

言臣實愚贛唯識忠蓋出命忘軀不顧後害遂
譏刺公卿內及寵臣實欲呂上對聖問救消災
異規爲陛下建康寧之計陛下不念忠臣直言
宜加掩蔽誹謗卒至僂用疑怪盡心之吏豈得
容哉詔書每下百官各上封事欲呂改政思謹
除凶致吉而言者不蒙延納之福旋被陷破之
禍今皆杜口結舌呂臣爲戒誰敢爲陛下盡忠
孝乎臣季父質連見拔擢位在上列臣被蒙恩
渥數見訪逮言事者因此欲陷臣父子破臣門
蔡中郎集

列傳

十七

海源閣
大正海小局

戶非復發糾姦伏補益國家者也臣年四十有
六孤特一身得託名忠臣歿有餘榮恐陛下于
此不復聞至言矣臣之愚穴職當咎患但前者
所對質不及聞而衰老白首橫見引逮隨臣摧
沒并入阬陷誠冤誠痛臣一入牢獄當爲楚毒
所迫趣呂飲章辭情何緣復聞歿期垂至冒昧
自陳願身當辜戮勾質不并坐則身歿之日夏
生之年也惟陛下加饗爲百姓自愛于是下邕
質于洛陽獄劾呂仇怨奉公議害大臣大不敬

棄市事奏中常侍呂彊愍邕無罪請之帝亦更
思其章有詔減死一等與家屬髡鉗徙朔方不
得已赦令除楊球使客追路刺邕客感其義皆
莫爲用球又賂其部主使加毒害所賂者反呂
其情戒邕故每得免焉居五原安陽縣邕前在
東觀與盧植韓說等撰補後漢記會遭事流離
不及得成因上書自陳奏其所著十意分別首
目連置章左帝嘉其才高會明年大赦乃宥邕
還本郡邕自徙及歸凡九月焉將就還路五原

蔡中郎集

列傳

十八

海源閣
大三原州小方

太守王智餞之酒酣智起舞屬邕邕不爲報智
者中常侍王甫弟也素賢驕慙于賓客詬邕曰
徒敢輕我邕拂衣而去智銜之密告邕怨于囚
放譎訕朝廷內寵惡之邕慮卒不免乃亡命江
海遠迹吳會往來依太山羊氏積十二年在吳
吳人有燒桐已爨者邕聞火烈之聲知其良木
因請而裁爲琴果有美音而其尾猶焦故時人
名曰焦尾琴焉初邕在陳畱也其鄰人有呂酒
會召邕者比往而酒已酣焉客有彈琴于屏邕

至門試潛聽之曰噫呂樂召我而有殺心何也
遂反將命者告主人曰蔡君向來至門而去邕
素爲邦鄉所宗主人遽自追而問其故邕具呂
告莫不憮然彈琴者曰我向鼓琴見螳螂方向
鳴蟬蟬將去而未飛螳螂爲之一前一卻吾心
聳然惟恐螳螂之失之也此豈爲殺心而形于
聲者乎邕莞然而笑曰此足呂當之矣中平六
年靈帝崩董卓爲司空聞邕名高辟之稱疾不
就卓大怒詈曰我力能族人蔡邕遂偃蹇者不
蔡中郎集

列傳

九

海源閣
大正石州小石

旋踵矣又切敕州郡舉邕詣府邕不得已到署
祭酒甚見敬重舉高弟補侍御史又轉持書御
史遷尚書三日之閒周歷三臺遷巴郡太守復
畱爲侍中初平元年拜左中郎將從獻帝遷都
長安封高陽鄉侯董卓賓客部曲議欲尊卓比
太公稱尚父卓謀之于邕邕曰太公輔周受命
翦商故特爲其號今明公威德誠爲巍巍然比
之尚父愚意呂爲未可宜須關東平定車駕還
反舊京然後議之卓從其言初平二年六月地

震卓呂問邕邕對曰地動者陰盛侵陽臣下踰制之所致也前春郊天公奉引車駕乘金華青蓋瓜畫兩轡遠近呂爲非宐卓于是改乘阜蓋車卓重邕才學厚相遇待每集讌輒令邕鼓琴贊事邕亦每存匡益然卓多自徇用邕恨其言少從謂從弟谷曰董公性剛而遂非終難濟也吾欲東奔兗州若道遠難達且遯逃山東呂待之何如谷曰君狀異恆人每行觀者盈集呂此自匿不亦難乎邕乃止及卓被誅邕在司徒王

蔡中郎集

列傳

二

海源閣
大三石村小

允坐殊不意言之而歎有動于色允勃然叱之曰董卓國之大賊幾傾漢室君爲王臣所宐同忿而懷其私遇呂亾大節今天誅有罪而反相傷痛豈不共爲逆哉卽收付廷尉治罪邕陳辭謝乞黥首刖足繼成漢史士大夫多矜救之不能得太尉馬日磾馳往謂允曰伯喈曠世逸才多識漢事當續成後史爲一代大典且忠孝素著而所坐無名誅之無乃失人望乎允曰魯武帝不殺司馬遷使作誦書流于後世方今國祚

中衰神器不固不可令佞臣執筆在幼主左右
既無益聖德復使吾黨蒙其訕議日磬退而告
人曰王公其不長世乎善人國之紀也制作國
之典也滅紀廢典其能久乎邕遂成獄中允悔
欲止而不及時年六十一摺紳諸儒莫不流涕
北海鄭玄聞而歎曰漢世之事誰與正之兗州
陳畱閒皆畫像而頌焉其撰集漢事未見錄呂
繼後史適作靈紀及十意又補諸列傳四十二
篇因李催之亂湮沒多不存所著詩賦碑誄銘

蔡中郎集

列傳

三

海源閣

讚連珠箴弔論議獨斷勸學釋誨敘樂女訓篆
執祝文章表書記凡百四篇傳于世卷四十五
論曰意氣之感士所不能忘也流極之運有生
所共淡悲也當伯喈哀鉗扭徙幽裔仰日月而
不見照燭臨風塵而不得經過其意豈及語平
日倖全人哉及解刑衣竄甌越潛舟江壑不知
其遠捷步溪林尚苦不密但願北首舊丘歸骸
先壟又可得乎董卓一旦入朝辟書先下分明
枉結信宿三遷匡導既申狂僭屢革資同人之

先號得北安之後福屬其慶者夫豈無懷君子
斷刑尚或爲之不舉況國憲倉卒慮不先圖矜
情變容而罰同邪黨執政乃追怨子長誦書流
後放此爲戮未或聞之典刑未及所及
贊曰季長感氏才通情侈苑囿典文流悅音伎
邕實慕靜心精辭綺席言金商南徂北徙籍梁
懷董名澆身毀梁新造八書丹于軌并編冊同

右傳據汲古本錄刊尋假得何氏焯所校明
嘉靖閒廣東崇正書院重脩本復對勘之崇

蔡中郎集

列傳

三

海源閣
六三

正本是汲古本非者悉照刊正其崇正本亦
非經何氏校正者如夫夫有逸羣之才脫下
夫字何據本集補邕乃書丹于碑丹譌冊何
據水經注改云有程夫人者夫譌大何據崔
烈傳改乘金華青蓋爪畫兩轡爪譌瓜何云
輿服志作蚤案蚤通爪皆未改刊以版旣成
不能分注于每句之下但改其字則是襲取
爰仍兩本譌脫而著何校于篇後以櫟鹵莽
沿謬無可自揜之愆云

年表

順

陽

三

三

四

嘉

牽

二

蔡中郎集

年表

三 海源閣
大子為小十句

三

四

五

六

漢

牽

二

麓

牽

沿至集可自換之愆云

友仍兩本譌脫而著何按于篇後以樓

不能分注于每句之下但舊集字則是變取

異服志作蚤案蚤通爪皆

然傳或乘金華青益爪書兩轄爪說瓜何云

水經注改云有程夫人者夫論大何說崔

大字何

非經

有說羣之才脫下

力書丹于碑丹為而何

邕生
邕字伯喈陳畱園人

滯 牽 嘉 牽 簞 牽 粉 牽 幫 結 牽 蔡 三 三 牽 嘉 牽 二 牽 龜

二十五

十五

十五

以少東... 命置允... 命儀射言

蔡中郎集

年表

海源閣
西
六

滯根王斬蔡朗碑

元文先生李沐詩

瑯琊王傅蔡朗碑



五十二歲

太尉尉榮第

王千壽亭
太尉尉公碑

羣三十三歲

司空劉寵為司空

元文先生李休碑

三十三歲

初以小黃門為守宮令置允從右僕射官

羣三十三歲

大鳥龜傳謂為司空

北尉尉夫人墓

二

梁冀伏誅封中常侍單超徐璜具瑗左館唐衡五人為縣侯尚書令尹勳等七人為亭侯

中常侍徐璜等以邕善鼓琴白帝敕陳畱太守督促發遣邕不得已行至

蔡中郎集

年表

三五海源閣

七

關內侯又托與議誅梁冀進封高鄉侯又封小黃門趙管趙忠等八人為鄉侯自是權勢專歸宦官五侯尤貪縱傾動內外

偃師稱疾歸作述行賦太守督發汝南周總碑帝持陳畱景昏庫上里社碑

三十三歲

宗正劉寵為大鴻臚

濟北相崔君夫人誄

四十九歲

省允為右僕射官大鴻臚劉寵為司空

朱穆諡議 朱穆鼎銘 朱穆墳前石碑

五十三歲

司空劉寵為司空

朱穆諡議 朱穆鼎銘 朱穆墳前石碑

六十三歲

司空劉寵為司空

朱穆諡議 朱穆鼎銘 朱穆墳前石碑

七十三歲

司空劉寵為司空

朱穆諡議 朱穆鼎銘 朱穆墳前石碑

八十三歲

太尉楊秉敬

太尉楊公碑 王子喬碑

九十四歲

太尉楊秉敬

太尉楊公碑 王子喬碑

董卓以破羌功拜郎中將作大匠橋元為度遠將軍

太后臨朝帝乳母趙婕妤與中常侍曹節等諂事太后數有封拜曹節等奉帝殺大傅陳審大將軍竇武節等十八人皆封侯

度遠將軍橋元為河南尹八月宗正卿劉寵為司空九月遷司徒

河南尹橋元為少府尋為大鴻臚六月司徒劉寵為太尉十一月免太僕郭禧為太尉

太尉郭禧罷

大鴻臚橋元為司空

蔡中郎集

年表

帝始加元服大赦天下三月司空橋元為司徒七月免越騎校尉楊賜為少府車駕上原陵

太傅胡廣獻少府楊賜為光祿勳

大疫二月光祿勳楊賜為司空七月免復拜光祿大夫北海地震

會司徒府議曆數與五官中郎將堂谿典光祿大夫楊賜諫議大夫馬日磾議郎張馴韓說

五官郎中馮光沛相上計掾陳晃言曆元不正太史治曆郎中郭香劉固意造妄說詔下三府與儒林明道者詳議大尉陳耽等以豈議劾光晃不敬正鬼神法詔勿治罪

會司徒府議曆數與五官中郎將堂谿典光祿大夫楊賜諫議大夫馬日磾議郎張馴韓說

會司徒府議曆數與五官中郎將堂谿典光祿大夫楊賜諫議大夫馬日磾議郎張馴韓說

會司徒府議曆數與五官中郎將堂谿典光祿大夫楊賜諫議大夫馬日磾議郎張馴韓說

太史令單颺等奏

交阯都尉胡夫人黃氏神誥

陳雷太守胡碩二碑

郭泰碑

處士園典碑

童幼胡裊碑

辭郡辟讓申屠楷書 辟司空橋元府出備河平長 召拜郎中校書東觀遷議郎 東鼎銘黃鉞銘 太傅胡公夫人靈表

上始加元服與羣臣上壽表

論上陵禮

太傅胡公三碑

彭城姜肱碑

會司徒府議曆數與五官中郎將堂谿典光祿大夫楊賜諫議大夫馬日磾議郎張馴韓說

會司徒府議曆數與五官中郎將堂谿典光祿大夫楊賜諫議大夫馬日磾議郎張馴韓說

會司徒府議曆數與五官中郎將堂谿典光祿大夫楊賜諫議大夫馬日磾議郎張馴韓說

會司徒府議曆數與五官中郎將堂谿典光祿大夫楊賜諫議大夫馬日磾議郎張馴韓說

四

歲三

博士盧植為九江太史尋以疾去官
詔諸儒正定五經文字刻石立
于太學門外
盧植奉上尚書章句三禮解詁
請考定得失刊正碑文
使宦者為令列于內署自是諸
署悉以閹人為丞令

求正定五經文字
按傳稱正定六
經文字靈帝紀
及儒林宦者傳
皆作五經今從
之

五

歲四十四

御殿後槐樹自拔倒暨
光祿大夫楊賜為司徒
以盧植為廬江太守
市曹小民相聚為宣陵孝子者
詔皆除太子舍人
南宮平城門內屋武庫屋及外
東垣屋前後自壞
大旱七州蝗
京師地震

伯夷叔齊碑
太尉李公碑
中鼎銘
上書請除三互法

蔡中郎集

年表

三

海源閣
大子少司考

六

歲四十四

鮮卑寇三邊先是鮮卑三十餘
犯塞護烏桓校尉夏育上言請
徵幽州諸郡兵擊之乃遣育與
破鮮卑中郎將田晏匈奴中郎
將臧良將南單于以下三道出
討鮮卑大司農經用不足般斂
郡國以給軍糧三將無功還者
少半

詠伐鮮卑不從
詔羣臣各陳政要所當施行
徵拜廬江太守盧植為議郎與
諫議大夫馬日磾議郎蔡邕楊
彪韓說等並在東觀校五經記
傳補續漢記尋轉侍中遷尚書
司徒楊賜免

三

歲五

帝從邕言是歲親迎氣北郊及
行辟雍禮
詔宣陵孝子為舍人者悉改為
丞尉

上封事七條
朱五

四

歲五

詔宣陵孝子為舍人者悉改為
丞尉

朱五

光四

置鴻都門學敕州郡三公舉召能為尺牘辭賦及工書鳥篆者為諸生有至封爵者

二月己未地震

四月丙辰地震

流星犯軒轅第二星東北行入北斗魁中

南宮侍中寺雌雞化為雄

五月有白衣人入德陽殿門口稱梁伯夏教我上殿與桓賢語言訖不見

六月有黑氣墮帝所御溫德殿中

七月青虹見御坐玉堂後堂庭中

八月彗星出亢北入天市中尚書盧植上書為蔡邕訟冤

詔中尚方為鴻都文學樂松江

元和十

蔡中郎集

年歲

年表

年歲

覽等三十二人圖像立贊尚書令陽球上書諫止不聽

光祿大夫楊賜為少府

光祿大夫橋元為太尉

太尉橋元罷

少府楊賜為光祿勳

司隸楊球奏收中常侍王甫太尉段熲殺之磔甫屍中常侍呂

強上疏辭封都鄉侯為蔡邕段熲訟冤

司徒劉郃永樂少府陳球衛尉

陽球步兵校尉劉納謀誅宦者

事泄皆下獄

光祿楊賜為司徒

詔召邕與光祿大夫楊賜諫議大夫馬日磾議郎張華太史令單鸞詣金商門引入崇德殿使中常侍曹節王甫就問災異及消改變故所宜施行邕悉心以對凡七事

於特詔密問災異所由令以阜囊封上書奏帝覽而歎息

會曹節宣講左右事遂漏露其中被邕裁黜者皆側自思

報中常侍程璜乃使人飛章言邕過失詔下尚書召邕詰

狀上書目陳遂下邕洛陽獄劾以大不敬棄市書奏中常

侍呂強愍邕無罪請之有詔減死一等與家屬髡徙朔

方不得以赦令除

楊球使客刺邕又賂部主使

加毒害皆不果

上漢書十意疏

報揚復書與報羊月書

西鼎銘

帝覽邕所著十意

嘉其才高會大赦

宥還本郡自徙及

歸凡九閱月將就

還路五原太守王

遂衛弟也邕慢智

乃命江海遠迹

吳會往來依太山

羊氏積十二年

文命單鸞詣金商門

精大夫馬日磾蔡邕華

詰

文命單鸞詣金商門

精大夫馬日磾蔡邕華

詰

和十

元六

年歲

年歲

年歲

年歲

年歲

年歲

年歲

年歲

年歲

年歲

年歲

年歲

年歲

三學八歲
四學九歲
司徒楊賜罷尋為太

常

五五歲

太常楊賜為太尉

京兆樊惠渠頌

六五歲

石經刻成立太學講堂前

與何進薦邊讓書

中五

黃中賊張角叛拜盧植為北中郎將討之

太尉橋公廟碑

平五

太尉楊賜免

司徒袁公夫人馬氏靈表

元二

中常侍趙忠夏暉等譖呂強殺之

真節先生范丹碑

年二

太尉橋元叡

司公文烈侯楊公三碑

二五歲

盧植連破張角圍角等于廣宗小黃門左豐譖之植坐減炊

陳太邛二碑

三

尚書張劭為大司農

議郎胡公夫人哀讚

四五歲

九月特進楊賜為司空十月叡

陳太邛廟碑

蔡中郎集

前太邛長陳寔卒

按通鑑寔卒系于四年之冬集中兩碑皆作三年八月卒今從之

海源閣

四五歲

射擊校尉馬日磾為太尉

董卓間邕名敕州

五五歲

光祿勳劉宏為司空

卓怒詈曰我能族

五

光祿少府楊彪為太僕尋遷衛尉

人邕懼應命到署

五

太尉馬日磾免

祭酒舉高弟補侍

五

四月帝崩王子辯即位大赦天下改元熹封帝協為渤海王

御史又轉治書御

五

尋徙封陳雷上軍校尉薨碩謀殺大將軍何進先殺之司隸

史遷尚書三日之

五

校尉袁紹勸進盡誅宦官

闕周歷三臺遷巴

五

侍御史鄭泰尚書盧植諫何進召董卓不從卓聞召即如雒陽

郡太守復畱為侍

五

以誅宦官為名

薦太尉董卓表

五

中常侍張讓段珪等殺何進于

尚書乞在開宄

五

是虎賁中郎將袁術與袁紹等

表

五

燒南北宮誅宦者二千餘人讓珪

表

五

等劫帝奔小平津尚書盧植河

表

六

六

南中郎掾閔貢追讓珪等斬數人餘皆投河歿

巴郡太守謝表

二

六

帝還宮被天下改元昭宣

董卓乘車輿

二

七

董卓欲廢帝盧植不從卓議卓怒欲殺植侍中蔡邕議即彭伯請之乃止九月卓遂廢帝為宏農王酖殺何太后

董卓自為太尉封鄒侯十一月以卓為相國衛尉楊彪為司空十二月還司徒

平

歲

詔除光熹昭宣永漢三號還復中平六年

關東州郡悉起兵討董卓以渤海太守袁紹為盟主

獻

五

董卓使人酖殺宏農王

拜左中郎將從帝遷都長安封高陽鄉侯

蔡

中

董卓使人酖殺宏農王

讓高陽鄉侯印綬符策二

帝

初

二月車駕西遷董卓留屯畢圭苑中悉燒宮廟官府居家二百里內室屋蕩盡

諫止董卓自稱尚父

年

元

司徒楊彪免尋拜光祿大夫數遷大鴻臚少府太常以病免復為京兆尹

按通鑑初平二年卓黨欲尊卓比太公稱尚父以邕諫止今從本傳

二

年

三月車駕入長安

宗廟祝嘏辭宗廟迭毀議

歲

八

詔和安順桓四帝及恭懷敬隱恭愍三皇后並除尊號

諫董卓乘車輿制

五

十

二月董卓自為太師位在諸侯王上後將軍袁術將孫堅攻董卓戰于同谷卓敗走洛陽遂發掘諸帝陵

卓剛愎自用邕憾其言少從欲遜之

二

歲

四月董卓還長安

山東不果

六

六

地震

董卓既誅邕在司徒王允

六

歲

太常馬日磾為太尉

坐間之驚歎允怒收付廷

六

歲

四月司徒王允與中郎將呂布誅殺董卓

董卓既誅邕在司徒王允

六

歲

四月司徒王允與中郎將呂布誅殺董卓

坐間之驚歎允怒收付廷

六

歲

四月司徒王允與中郎將呂布誅殺董卓

坐間之驚歎允怒收付廷

六

歲

四月司徒王允與中郎將呂布誅殺董卓

坐間之驚歎允怒收付廷

蔡中郎集

年表

三 海源閣

三

十

夷三族以允錄尚書

尉治罪士大夫多矜赦不能得太尉馬日磾馳往謂

太尉馬日磾為太傅錄尚書事

允邕忠孝素著所坐無名誅之恐失人望可令其續

京兆尹楊彪為光祿勳九月遷司空錄尚

成漢史允執不聽邕遂成獄中允悔欲止而不及遠

歲

尚書事 尚書盧植卒

近搢紳皆為歎泣兖州陳雷間皆畫像頌焉

右表參採紀傳及律歷祭祀天文五行諸

志繫年多據後漢紀資治通鑑二書五經

立石次于光和六年則從水經注也按邕

本傳董卓既誅邕在王允坐為允所收歿

于獄中時年六十一然卓誅在初平三年

蔡中郎集

年表

三 海源閣

壬申使是時邕年果已六十一歲當生于

陽嘉元年壬申而光和元年尚書詰狀自

陳書有臣年四十有六之語計至歿年止

六十歲則邕生實于陽嘉癸酉本傳誤矣

蔡中郎集六卷本之陳畱所刻其中頗有

足據今以年月可繫之文次入表中俾好

古者一廣見聞也王昶識

王氏篡中郎年表但次年月可繫之文其

無年月可繫者皆不載而表載熹平元年

論上陵禮集本佚其篇案司馬禮儀志上

陵注引謝承書曰建寧五年歲次壬子五月改元熹平

表以紀年祇合書元也正月車駕上原陵蔡邕爲司

徒掾從上行到陵見其儀愾然謂同坐者

曰聞古不墓祭朝廷有上陵之禮始爲可

損今見威儀察其本意乃知孝明皇帝至

孝惻隱不可易舊或曰本意云何答京師

在長安時其禮不可盡得聞也光武卽世

始葬于此明帝嗣位踰年羣臣朝正感先

蔡中郎集

年表

三

海源閣

帝不復聞見此禮乃帥公卿百僚就園陵

而創焉尚書陞西陞爲神坐天子事亾如

事存之意苟先帝有瓜葛之屬男女畢會

王侯大夫郡國計吏各向神坐而言庶幾

先帝神魂聞之今者日月久遠後生非時

人但見其禮不知其哀以明帝聖孝之心

親服三年久在園陵初興此儀仰察凡筵

下顧羣臣悲切之心必不可堪邕見太傅

胡廣曰國家禮有煩而不可省者不知先

蔡中郎集卷末終
之以示學者邕退而記焉魚豢曰孝明以
正月旦百官及四方來朝者上原陵朝禮
是謂甚違古不墓祭之義臣昭以爲邕之
言然王氏次此論之目于表始據昭注今
具錄如右集本既皆未載不復增入表又
載熹平四年與堂谿典等奏求正定五經
文字當有所奏之篇集本亦佚更俟別考

蔡中郎集

年表

三

海源閣
大正廿九年

文字當有所奏之篇集本亦佚更俟別考
熹平四年與堂谿典等奏求正定五經
具錄如右集本既皆未載不復增入表又
言然王氏次此論之目于表始據昭注今
具錄如右集本既皆未載不復增入表又
言然王氏次此論之目于表始據昭注今
具錄如右集本既皆未載不復增入表又
言然王氏次此論之目于表始據昭注今

通部大小共十三卷四子一百六十字

蔡中郎集卷末終

大小一系一子為百六十字

